

حزب عدلیہ

درجہ پنجم

۳ صفر ۱۳۳۲

۲۰ کانون اول ۱۳۲۹

نومبر ۹۸

قائمہ سنیہ

نوبہات عدلیہ

آیدین ولایتی مرکز بدایت محکمہ سی حقوق دائرہ سی ریاستہ قونہ ولایتی مرکز حقوق دائرہ سی
رئسی جواد و قونہ ولایتی مرکز بدایت حقوق دائرہ سی ریاستہ دیار بکر ولایتی مرکز بدایت محکمہ سی
حقوق دائرہ سی رئسی خالد و دیار بکر ولایتی مرکز بدایت محکمہ سی حقوق دائرہ سی ریاستہ آیدین ولایتی
مرکز بدایت محکمہ سی حقوق دائرہ سی رئسی الماس و موصل ولایتی مرکز بدایت محکمہ سی جزا دائرہ سی
ریاستہ بصرہ ولایتی مرکز بدایت محکمہ سی مدعی عمومی مصطفی لطفی و بغداد ولایتی مرکز بدایت محکمہ سی
جزا دائرہ سی ریاستہ محکمہ مذکورہ مدعی عمومی رفعت و آیدین ولایتی مرکز بدایت محکمہ سی رنجی جزا
دائرہ سی ریاستہ محکمہ مذکورہ مدعی عمومی خلیل و بتلیس ولایتی مرکز بدایت محکمہ سی جزا دائرہ سی
ریاستہ دیار بکر ولایتی مرکز بدایت محکمہ سی مدعی عمومی درویش و قدس شریف سنجانی بدایت محکمہ سی
ریاستہ حلب ولایتی استیناف محکمہ سی اعضا سندن اولوب مرکز ولایت بدایت محکمہ سی مدعی عمومی مملکنده
خدمتی مسبوق بولنان عثمان و عدلیہ نظارتی ہیئت تقشیشہ ریاستی رفاقتہ تکفور طغانی سنجانی استیناف
محکمہ سی اعضا سندن ممدوح و تکفور طغانی سنجانی استیناف محکمہ سی اعضا الغنہ قونہ ولایتی استیناف
محکمہ سی اعضا سندن سلیمان عاکف و قونہ ولایتی استیناف محکمہ سی اعضا الغنہ قسطمونی ولایتی استیناف
محکمہ سی اعضا سندن حسین حسنی و قسطمونی ولایتی استیناف محکمہ سی اعضا الغنہ ادرنہ ولایتی استیناف
محکمہ سی اعضا سندن آچقده قالان نوری و چوروم سنجانی بدایت محکمہ سی جزا دائرہ سی ریاستہ خیرہ بولی

قضای بدایت محکمه سی حاکمیکنه تعیین ایدلدیکی حالد هواسیله امتزاج ایدمه جکندن بمحل محلی مأموریتنه عزیمتند بیان معذرت ایلان حامد و خیره بولی قضای بدایت محکمه سی حاکمیکنه ایلغین قضای صالح حاکمی حسن تحسین و جبل برکت سنجانی بدایت محکمه سی جزادائره سی ریاسته ویزه قضای بدایت محکمه سی مدعی عمومی نوری و ویزه قضای بدایت محکمه سی مدعی عمومیکنه خداوندکار ولایتی مرکز بدایت محکمه سی اعضاسندن و داد و خداوندکار ولایتی مرکز بدایت محکمه سی اعضالغنه شارکوی قضای بدایت محکمه سی رئیس اسبقی طاهر و حلب ولایتی استیناف محکمه سی اعضالغنه موصل ولایتی استیناف محکمه سی اعضاسندن کالوس و موصل ولایتی استیناف محکمه سی اعضالغنه بتلیس ولایتی استیناف محکمه سی اعضالغندن مستغنی پترکی و دیاربکر ولایتی استیناف محکمه سی اعضالغنه تعیین اولان مختار افندیک و وقوع استعفا سی حسبیه یرینه قونیه ولایتی استیناف محکمه سی مدعی عمومی معاونلکندن آچقده قالان مکی و اماسیه سنجانی بدایت محکمه سی مدعی عمومیکنه کشان قضای بدایت محکمه سی مدعی عمومی لطفاه و کشان قضای بدایت محکمه سی مدعی عمومیکنه اینوز قضای بدایت محکمه سی حاکم معاونلکندن مستغنی حسین حسنی و بغداد ولایتی استیناف محکمه سی اعضاملازملرندن رشید افندیک عزلیله یرینه کر بلا سنجانی بدایت محکمه سی اعضاسندن سید صالح و قلعه سلطانیه سنجانی بدایت محکمه سی اعضالغنه در سعادت مکتب حقوقندن علی الاعلی در جده مأذون اشرف جیب و محکمه مذکوره اعضاسندن اوستاش افندیک عزلیله یرینه بارطین قضای لوابدایت محکمه سی اعضاسندن کینغورق رسمی و بارطین قضای لوابدایت محکمه سی اعضالغنه دیاربکر ولایتی مرکز بدایت محکمه سی اعضالغنه تعیین اولندینی حالد محل مذکوره عزیمتدن استکاف ایدن قره بت و دیاربکر مرکز بدایت محکمه سی اعضالغنه آیدونات بدایت محکمه سی اعضالغنه آچقده قالان دیقرا و بغداد ولایتی مرکز بدایت محکمه سی اعضالغنه تعیین اولان احمد نوری افندیک محل مأموریتنه عزیمت ایتامسندن طولای مستغنی عدلیله یرینه در سعادت مکتب حقوقندن اعلا در جده مأذون احمد نسیمی و حکاری سنجانی بدایت محکمه سی اعضاسندن خره لامبوس افندیک ترک وظیفه ایلنه بناء مستغنی عدلیله یرینه بکقوز قضای بدایت محکمه سی اعضالغندن آچقده قالان صرافیان قره بت و ارزنجان سنجانی بدایت محکمه سی اعضالغنه جسرارکنه قضای بدایت محکمه سی اعضالغندر آچقده قالان عوادیس ارسلانیان و عاد لجواز قضای بدایت محکمه سی مدعی عمومی لکنه در سعادت مکتب حقوقندن اعلا در جده مأذون محمود ساحت و حاجین قضای بدایت محکمه سی مستنطقلکنه سنیجه بدایت محکمه سی مستنطقلکندن آچقده قالان عبدالله و مرجیون قضای بدایت محکمه سی مستنطقلکنه بیروت ولایتی مرکز بدایت محکمه سی جزا دائره سی ضبط کتابتند بولنش اولان و بالامتحان مستنطقلک ایچون اهلیتی تحقق ایدن نورالدین نابی و ماردین سنجانی بدایت محکمه سی اعضا ملازملکنه تعیین اولان مراد افندیک و وقوع استعفا سی جهتیله یرینه یکی و اروش بدایت محکمه سی اعضالغندن آچقده قالان محمد مراد و آیدین ولایتی تجارت محکمه سی اعضا ملازملکنه عدلیله نظارتی سجل قلمی موظف ملازملرندن

و مکتب حقوق مأذونلرندن شوکت افندیلر نقل و تعیین اولنش و تحویل مأموریتلری ایجاب ایدن زعفرانبولی قضای بدایت محکمه سی رئیس یوسف کمال افندی ایله باقره قضای بدایت محکمه سی رئیس حسن قدرت و نابلس سنجانی بدایت محکمه سی اعضاسندن یوسف افندی ایله بقاع العزیز قضای بدایت محکمه سی مدعی عمومی حسن ذکی افندیلرک بجایشلری اجرا قلنمش و آنامور و شمیدینان قضای بدایت محکمه لری ریاستی و ظائفی ده محملری قاضیلری عهده لینه احاله ایدلشد.

اشبو اراده سنیه نک اجراسنه عدلیله نظری مأموردر.

۷ محرم سنه ۱۳۲۲ و ۲۴ تشرین ثانی ۱۳۲۹ سنه

محمد رشاد

عدلیله نظری صدراعظم

ابراهیم محمد سعید

منحل اولان در سعادت بدایت محکمه سی مدعی عمومیکنه وان ولایتی استیناف محکمه سی رئیس احمد و فیک افندی تعیین اولنشد.

اشبو اراده سنیه نک اجراسنه عدلیله نظری مأموردر. ۱۴ محرم ۱۳۲۲ و ۱ کانون اول ۱۳۲۹

محمد رشاد

عدلیله نظری صدراعظم

ابراهیم محمد سعید

منحل اولان حلب ولایتی استیناف محکمه سی اعضالغنه بصره ولایتی استیناف محکمه سی اعضالغنه تعیین ایدلدیکی حالد سرد اعذار ایله محل مذکوره عزیمتدن استکاف ایدن صادق و بصره ولایتی استیناف محکمه سی اعضالغنه خراسان قضای بدایت محکمه سی رئیس رشید و کذلک ولایت مذکوره استیناف محکمه سی اعضالغنه تعیین اولان عبدالرحمن شرف افندیک و وقوع استعفا سی جهتیله یرینه حله قضای بدایت محکمه سی مدعی عمومی نعمان و قیرشهری سنجانی بدایت محکمه سی مدعی عمومیکنه ایچ ایل سنجانی بدایت محکمه سی مدعی عمومی اسبقی علی نیازی و تیمور کوی قضای بدایت محکمه سی مدعی عمومیکنه کوش حاجی کوی قضای بدایت محکمه سی رئیس عبدالرحمن و کوش حاجی کوی قضای بدایت محکمه سی ریاسته نیکسار قضای بدایت محکمه سی رئیس فوزی و چتالجه سنجانی بدایت محکمه سی اعضالغنه عدلیله نظارتی هیئت تقشیه قلمی برنجی صنف کتبه سندن قارنیک حصارلیان و مرعش سنجانی بدایت محکمه سی اعضاسندن ناجی و فوزی افندیلرک

عزله ليله يرلرینه پلومر قضاسی بدایت محکمه سی مدعی عمومیلکندن مستعفی اساعیل حق وبصره ولایتی استیناف محکمه سی اعضا ملازمی محمودندیم وبصره ولایتی استیناف محکمه سی اعضا ملازمملکنه بغداد ولایتی مرکز بدایت محکمه سی اعضا ملازمملندن وبغداد حقوق مکته علی الاعلی درجه مأذونلندن درویش دانش ورواندز قضاسی بدایت محکمه سی مدعی عمومیلکنه درسعدت مکته حقوقندن علی الاعلی درجه ده مأذون محمدعفت وسعرد سنجانی بدایت محکمه سی اعضا ملازمملکنه تعیین ایدیلن محمدعطا افندینک وقوع استعفا سی ملابسه سیله یرینه خیره بولی قضاسی بدایت محکمه سی اعضا لغندن آچقده قالان محمد توفیق وکذلک لواء مذکور بدایت محکمه سی اعضا ملازمملکنه تعیین قلنان نیازی افندینک محل مأمورینه عزیمت ایتمه سی حسیله مستعفی عدیه یرینه آچه حصار بدایت محکمه سی اعضا سابقه سندن یوسف نابی وقلب قضاسی بدایت محکمه سی مستنطقلکنه یکی واروش بدایت محکمه سی مستنطقلکندن آچقده قالان صادق فهمی وشیروان قضاسی بدایت محکمه سی مستنطقلکنه سینوب سنجانی بدایت محکمه سی مستنطق اسبقی عبد الرحیم افندیلر نقل وتعیین اولمش ونابلس سنجانی بدایت محکمه سی جزا دائره سی رئیس رشید حسامی افندی ایله کرک سنجانی بدایت محکمه سی رئیس شوقی و آیدین ولایتی مرکز بدایت محکمه سی اعضا ملازمی محمد رأف افندی ایله آلاشهر قضاسی لوا بدایت محکمه سی اعضا ملازمی محمودجیل افندیلرک بجایشلری اجرا قلنمش وجبل برکت سنجانی بدایت محکمه سی جزا دائره سی رئیس فائق کمال افندینک اعاده مأموریتی لازم کسنه مبنی خلقی نوری افندی بشقه محله تعیین ایدیلک اوزره مومی الیه فائق کمال افندی دخی مأموریت سابقه سی اولان ریاست مذکوریه اعاده ایدلشد.

اشبو اراده سنیه نک اجراسنه عدلیه ناظری مأموردر .

۱۶ محرم سنه ۱۳۲۲ و ۳ کانون اول سنه ۱۳۲۹

محمد رشاد

عدلیه ناظری
ابراهیم
صدراعظم
محمد سعید

وان ولایتی مرکز بدایت محکمه سی جزا دائره سی ریاسته محکمه مذکره مدعی عمومیی ماطیوس فهم و دیاربکر ولایتی مرکز بدایت محکمه سی مدعی عمومیلکنه وان ولایتی مرکز بدایت محکمه سی مدعی عمومی سابق مصطفی فوزی وبصره ولایتی مرکز بدایت محکمه سی مدعی عمومیلکنه سعرد سنجانی بدایت محکمه سی مدعی عمومیی عبدالقادر کالی و ملاطیه سنجانی بدایت محکمه سی جزا دائره سی ریاسته توقاد سنجانی بدایت محکمه سی مدعی عمومیی ابراهیم حق و توقاد سنجانی بدایت محکمه سی مدعی عمومیلکنه وان استیناف محکمه سی اعضا سندن حسین صدق و وان ولایتی استیناف محکمه سی اعضا لغنه بتلیس ولایتی

استیناف محکمه سی اعضا سندن شا کر و بتلیس ولایتی استیناف محکمه سی اعضا لغنه سعرد سنجانی بدایت محکمه سی مدعی عمومی سابق حسن تحسین و قدس شریف سنجانی استیناف محکمه سی اعضا لغنه انقره ولایتی استیناف محکمه سی اعضا سندن خلیل حلمی وانقره ولایتی استیناف محکمه سی اعضا لغنه ایچایل سنجانی بدایت محکمه سی جزا دائره سی رئیس اسبق الیاس عزت و حلب ولایتی استیناف محکمه سی اعضا سندن سلیم اسحق هراری افندینک وقوع استیفاسی ملابسه سیله یرینه سوریه ولایتی استیناف محکمه سی اعضا سابقه سندن سموئل وخداوندکار ولایتی استیناف محکمه سی مدعی عمومی معاونلکنه جبل برکت سنجانی بدایت محکمه سی جزا دائره سی ریاسته تعیین اولندی حالد سلفنک اعاده مأموریتی حسیله آچقده قالان نوری وسوریه ولایتی استیناف محکمه سی مدعی عمومی معاونلکنه کرک سنجانی بدایت محکمه سی مدعی عمومیلکندن مستعفی عبدالباسط ونیکسار قضاسی بدایت محکمه سی ریاسته سیواس ولایتی داخلنده رشادیه قضاسی بدایت محکمه سی رئیس احمد صدق وخراسان قضاسی بدایت محکمه سی ریاسته رواندز قضاسی بدایت محکمه سی رئیس محمودحمیدی وسورمه قضاسی بدایت محکمه سی مدعی عمومیلکنه اوف قضاسی بدایت محکمه سی مدعی عمومی نادر واوف قضاسی بدایت محکمه سی مدعی عمومیلکنه عمادیه قضاسی بدایت محکمه سی رئیس علی رضا وخوشاب قضاسی بدایت محکمه سی مدعی عمومیلکنه سلانیک مکته حقوقندن علی الاعلی درجه ده مأذون سلانیک استیناف محکمه سی حقوق دائره سی باش کاتب معاونلکندن آچقده قالان احمد توفیق ومرعش سنجانی بدایت محکمه سی اعضا سندن یورکی افندینک عزلیله یرینه حکاری سنجانی بدایت محکمه سی اعضا لغندن مستعفی خیره لامبوس وعکا سنجانی بدایت محکمه سی مستنطقلکه طرابلس غرب استیناف محکمه سی باش کاتب سابق اولوب مستنطقلکده خدمتی مسبق احمد دریان وکیوه قضاسی بدایت محکمه سی مستنطقلکنه ناظمیه قضاسی بدایت محکمه سی مستنطق محمد حامی وناظمیه قضاسی بدایت محکمه سی مستنطقلکنه شیاق بدایت محکمه سی مستنطقلکندن آچقده ادیب ویلیدز ایلی قضاسی بدایت محکمه سی مستنطقلکنه عمادیه قضاسی بدایت محکمه سی مستنطقلکندن مستعفی محمود حمیدی وبغداد ولایتی مرکز بدایت محکمه سی اعضا ملازمملکنه پرستنه مرکز قضا بدایت محکمه سی اعضا لغندن آچقده قالان سلیمان فائق افندیلر نقل وتعیین اولمش ورشادیه ورواندز و عمادیه قضالری بدایت محکمه لری ریاستلری وظائف ده محلی قاضیلری عهده لرینه احاله ایدلشد.

اشبو اراده سنیه نک اجراسنه عدلیه ناظری مأموردر .

۲۱ محرم سنه ۱۳۲۲ و ۸ کانون اول سنه ۱۳۲۹

محمد رشاد

عدلیه ناظری
ابراهیم
صدر اعظم
محمد سعید

قانونه و نظامات

پساپورت قانونی مواد معدله سی

یکنجی ماده مدتی منقضی اولماش پساپورطی حامل اولانلر بمالك عثمانیه دن تکرار دیار اجنبیه یه کیده جک اولدقلری حالده پساپورطی پساپورط اعطاسنه مآذون اولان مأمورلره ویزه ایتدیره بیلورلر. الی غروشلق پساپورطلردن یکریمی واون غروشلق پساپورطلردن ایکی غروش ویزه خرجی النور. بجاناً ویریلن پساپورطلردن ویزه خرجی النماز

ظفوزنجی ماده دولت عثمانیه ایله حال مسالتمده بولنان دول اجنبیه تبعه سیله ممالك اجنبیه ده بولنان تبعه عثمانیه دن ممالك عثمانیه داخل اوله جقلرک اصوله موافق صورتده حامل اولدقلری پساپورطی دولت عثمانیه شهنذرلردن برینه ویزه ایتدیرملری لازمدر الی غروشلق عثمانی پساپورطلیله علی العموم اجنبی پساپورطلردن یکریمی واون غروشلق عثمانی پساپورطلردن ایکی غروش ویزه خرجی آلنور بجاناً ویریلن عثمانی پساپورطلردن ویزه خرجی النماز عثمانی شهنذرخانه سندن پساپورطی ویزه ایتدیرمه یئر ویزه خرجی ایکی مثلی تأدیه ایده جک وحرکت ایلدکلری محله عثمانی شهنذرخانه سی اولدینی حالده یالکز ویزه خرجی ایکی مثلی اکتفا ایدیه جکدر اشبو لایحه قانونیه نك مجلس عمومینك کشادنده قانونیتی تکلیف اولنق اوزره موقتاً موقع مرعیتیه وضعی و قوانین دولته علاوه سنی اراده ایدرم

۲۹ ذی الحجه سنه ۳۳۱ و ۱۶ تشرین ثانی سنه ۳۲۹

محمد رشاد

صدر اعظم	عدلیه ناظری	داخلیه ناظری
محمد سعید	طلعت	ابراهیم

مراکب بحریه دن ماعدا محللرده مستعمل مولد بخارلر ایله بخار خزینهلرینه و مورتورلره دائر ۱۷ حیران سنه ۳۲۹ تاریخلی نظامنامه نك قرق بشنجی ماده سنك الغاسی حقنده نظامنامه

برنجی ماده مراکب بحریه دن ماعدا محللرده مستعمل مولد بخارلر ایله بخار خزینهلرینه دائر اولان نظامنامه نك قرق بشنجی ماده سی احکامی ملغادر

ایکنجی ماده بو نظامنامه تاریخ نشرندن اعتباراً مرعی الاحکامدر
اوچنجی ماده بو نظامنامه نك اجراسنه عدلیه و تجارت و زراعت ناظرلری مأموردر
بو نظامنامه لایحه سنك موقع مرعیتیه وضعی و نظامات دولته علاوه سنی اراده ایدرم

۲۹ ذی الحجه سنه ۳۳۱ و ۱۶ تشرین ثانی سنه ۳۲۹

محمد رشاد

بجریه ناظری	داخلیه ناظری	حریه ناظری	شیخ الاسلام	صدر اعظم
محمد	طلعت	احمد عزت	اسعد	محمد سعید
تجارت و زراعت ناظری	نافعه ناظری	مالیه ناظری	عدلیه ناظری	شورای دولت رئیس
سلیمان البستانی	عثمان نظامی	رفعت	ابراهیم	خلیل
پوسته و تلغراف و تلفون ناظری	اوقاف و هابون ناظری	معارف ناظری	احمد شکری	
اوسقان	خیری			

۱۱ شوال سنه ۱۲۸۶ تاریخلی اورمان نظامنامه سنك اوتوز برنجی ماده سنی معدل قانون

برنجی ماده — ۱۱ شوال سنه ۱۲۸۶ تاریخلی اورمان نظامنامه سنك اوتوز برنجی ماده سی بوجه آتی تعدیل ایدلمشدر .

«اورمانلره متعلق اولوب نظاماً تضمینات طلب و اخذینی ایجاب ایدن برحرکت حقنده اقامه اولنه جق دعوایه اوحرکتک و قوعی تاریخندن اعتباراً برسنه ظرفنده مباشرت اولنق مشروطدر. بو مدتک انقضاسندن صکره حق دعوی ساقط اولور .

مدتی ظرفنده اقامه اولان دعاوی حقنده لاحق اولان حکمک اوچ آی ظرفنده اجراسی لازمدر بو مدتک بلا تعقیب انقضاسندن صکره حکم منفسخ اولور و دعاوینك تأخیرینه بادی اولان مأمورلر جزا قانوننامه هایونی موجبجه مجازات اولنورلر»

ایکنجی ماده — بو ماده قانونیه نك اجرای احکامنه عدلیه و تجارت و زراعت ناظرلری مأموردر اشبو لایحه قانونیه نك مجلس عمومینك کشادنده قانونیتی تکلیف اولنق اوزره موقتاً موقع اجرایه وضعی و قوانین دولته علاوه سنی اراده ایدرم

۴ محرم سنه ۳۳۲ و ۲۱ تشرین ثانی سنه ۳۲۹

محمد رشاد

تجارت و زراعت ناظری	عدلیه ناظری	صدر اعظم
سلیمان البستانی	ابراهیم	محمد سعید

قانون جزائک ۴ نجی فصلنه مذیل ۱۴ ربیع الاول ۱۳۱۹ تاریخ فی فقره فی معدل قانون موقت
ماده : ۱ قانون جزائک در دنجی فصلنه مذیل ۱۴ ربیع الاول ۱۳۱۹ تاریخ فی فقره بروجه آتی

تعديل ایدلشددر :

« پولیس مأمورلردن هر کیم کندوسنه عائد اسلحه و جیخانه و هر نوع اشیای امیره دن بر شی صاتار و یا قصداً تلف و ضایع ایلر و هر نه سبیل اولورسه اولسون آخره ویرسه برسه حبس و پولیس سلکندن طرد اولنور و صائدینی و یا قصداً تلف و ضایع ایلدیکی شیلر صائدینی محله موجود ایسه عیناً آنور ، مستهلک ایسه بدلی کندیسنه تضمین ایتدیریلور. بالاده ذکر اولنان شیلری بیلهرک صاتون آنلر و صائلش اولدقلرینی بیلهرک اخفا ایلانلر ایکی آیدن آتی آیه قدر حبس ایله مجازات اولنور. اسلحه و جیخانه و هر نوع اشیای امیره سنی دکره و نهره برجیخانی و یا و شیرمک و یا حریقندن قورتاره مامق و بر حادثه ائساننده غائب ایلک کی احوالده اهل و تکاسلی تحقق ایدنلر درجه جرمنه کوره یکر می درت ساعتدن اوچ آیه قدر حبس و آتی آتی تجاوز ایتامک اوزره موقتاً مأموریتدن طرد اولنور . »

ماده : ۲ بوقانونک حکمی اعلانی کوننک فرداسندن اعتباراً مرعی الاجرا اوله جقدر .
بولایحه قانونیه نک مجلس عمومینک کشادنده قانونیتی تکلیف اولفق اوزره موقتاً موقع اجرایه وضعی و قوانین دولته علاوه سنی اراده ایدرم .

۱۴ محرم ۱۳۲۲ ۱ کانون اول ۱۳۲۹

عبدلله ناظری صدر اعظم
ابراهیم محمد سعید

بالاشتراك تصرف اولنان اموال غیر منقوله نک تقسیمنه دائر قانون صورتیدر

ماده : ۱ اراضی امیره و موقوفه ایله مسقات و مستغلات و قضیه و بالجله املاک و عقاره شایعاً تصرف ایدنلردن هیچ بری غیرمعین بر زمان ایله شیوعک دوامی حقنده بینلرنده بر مقاوله سبق ایتش اولسه دخی شرکتده دوامه اجبار ایدیله من . قابل تقسیم اولان یعنی هر حصه ده منفعت مقصوده قسمت ایله فوت اولمیان یرلرده تقسیم ایله و قابل تقسیم اولمیان یرلرده دخی بالمزایده فروخت ایله شیوع ازاله ایدیله بیلور .

ماده : ۲ تقسیمک بش سنه مدته رضای طرفین ایله تأخیری جائزدر . بومدتک ختامنده شرکا لزوم کوریرلر ایسه مقاوله فی تجدید ایده بیلورلر .

ماده : ۳ قابل قسمت اولان یرلر رضاء و یا حکماً تقسیم ایدیله بیلور. رضاء تقسیمده بالجله شرکانک موافقتی لازم و حکماً تقسیمده بعضیسنک طلبی کافیدر . . شرکا بیننده یتیم و یا محجور بولنور ایسه وصی و یا ولیرلر آنلرک نامه تقسیمک اجرایی طلب ایده بیلورلر .

ماده : ۴ بالرضا قسمتده شرکا برنجی مادهده مندرج شرائطه توفیقاً طوغریدن طوغری به و مناسب کوره جکلری صورتده تقسیمی اجرا ایده بیله جکلری کی دفتر خاقانی مأمورینه دخی مراجعت ایله بیلورلر . برنجی صورتده کیفیت تقسیمی متضمن اول محاکم بولندینی محله و یا قریه نک مختاریله هیئت اختیاریه سندن ایکی کیسه طرفندن علم و خبر و ممکن اولان محالرده برده خریطه کتوریلور و دفتر خاقانی مأموریتجه کیفیت شرکایه تقریر و تصدیق ایتدیرلر کدنصکره صورت تقسیمه کوره هر بزینک مستقلاً تصرفی ایچون ناملرینه سنداعطا ایدیلور .

ایکنجی صورتده مأمور طرفندن ممکن اولان یرلرده دفتر خاقانی و یا بلدی مهندسی استصحاب ایله محله عزیمت اولنور . شرکا و هیئت اختیاریه حاضر ایکن بالتدقیق قابل تقسیم اولدینی تین ایدرسه ماده آتییه موجبنه معامله اولنور .

ماده : ۵ اراضی و عرصه لک تقسیمنده اولاً دویم و ذراع اعتباریه مساحه اولنهرق و حسبالموقع شرفی و اوصاف سائرهمی و قوه انباتیه جه درجه سی نظر اعتباره آنلهرق هر حصه ممکن اولدینی حالده حق طریق و شرب و مسیلی ایله یکدیگرینه تعلق قالماق و قیمتاری بر برینه معادل اولمق و هر شخصه اصابت ایدن حصه لر ممکن مرتبه برلشدیرلک اوزره تفریق ایدیلور . حصه لک قیمتی موافقتاری حالده شرکا طرفندن و موافقت ایتدکلری صورتده رسماً دفتر قاخانی مأموری جانبندن تعیین ایدیله جک اهل خبره معرفتیه تقدیر اولنور .

ثانیاً افراز اولنان پارچه لردن بری و یا بر قاقی قابلیت موقعیه کوره قیمتجه دیگرلرینه معادل اوله مدینی صورتده نقداً تعدیل اولنور .

ثالثاً بو بابده بر ضبطنامه و ممکن اولدینی حالده برده خریطه تنظیم ایدیلور .

رابعاً افراز اولنان حصه لر بالجله شرکا بیننده قرعه کشیده سیله تخصیص و بو جهتلردخی درج اولنهرق ضبطنامه شرکایه امضا و یا تحتم ایتدیریلوب هیئت موجوده طرفندن تصدیق اولنور .

تقسیم اولنهرق محاکمک تعددی و جمله شرکانک موافقتی حالده قسمت جمع صورتیه ده معامله تقسیمه اجرا ایدیله بیلور . مسقاتک تقسیمنده فقرات سابقه ایله مجله نک بیک یوز الی برنجی ماده سی حکمنه توفیق معامله اولنور .

ماده : ۶ شرکادن بعضیسی تقسیمه طالب اولوبده دیگرلری موافقت ایتدیکی و یا ایچلرنده غائب و یا یتیم بولندینی تقدیرده اول مالک بولندینی محله و یا قریه دن طالب قسمت اولان شریکک تصرف و هویتی

متضمن کتوره جکی علم و خبر اوزرينه صالح حاکمی ویا وکیلی طرفندن تقسیمک اجراسی ایچون بر هفته دن اقل اولماق اوزره مدت تعیین و دعوتنامه ایله شرکایه ویا ولی و وکیلینه تبلیغ ایدیلور. غایب حقه دنخی اصول محاکمه حقوقیه قانونک مواد مخصوصه سی احکامنه توفیق معامله اولنور. یوم معینه صالح حاکمی ویا وکیلی دردنجی ماده ده کوسترلدیکی وجهه محله عزیمت ایدرک اجابت ایدن شرکا ایله هیئت اختیاریه حاضر اولدینی حالده و هیئت اختیاریه دن کیمسه بولنه مدینی صورتده اهلیدن لاقلا ایکی کیمسه نك مواجهه سنده ماده سابقه موجبجه تقسیم معامله سنی ایفا ایله کیفیتیه علاقه دارانه تبلیغ و ضبطنامه صورت مصدقه سنی اعلام شکننده محلی دفتر خاقانی اداره سنی تودیع ایلر.

ماده : ۷- مواد سابقه موجبجه افراز ایدیلن حصه لردن هر هانکیسی خلفیت طریقیه بر طاقم شرکا بیننده مشترک بولنورسه بو حصه نك متصرفلری بیننده تقسیمی دخی بالاده محرر احکامه تابعدر.

ماده : ۸- بالاشترک تصرف اولنان اراضی ایله مسقفات و مستغلاتک و بالجمله اموال و عقارک قابل قسمت اولدینی بیانیله حصه لرینک دیگر شریکک جابندن آلتیسی ویا بیع و فراغک اجراسی شریککدن بعضیسی طرفندن طلب اولندقدقه دفتر خاقانی مأموری طرفندن اولامرده دردنجی ماده موجبجه اول محل کشف و تدقیق اولنور. قابل قسمت اولدینی اکلاشیلور ایسه مجموعنه نسبتله اول حصه نك بدل مثلی محلی مجلس اداره سنججه منتخب ارباب و قوفه تقدیر ایتدیریلور و بدل مقدریه حصه مذکوریه اشترا و تفرغه طالب اولوب اولمقدلرینی اون بش کون ظرفنده بیان ایتلری دیگر شرکایه تبلیغ اولنور. طالب اولانلرک عهده لرینه متساویاً بیع و فراغ معامله سی اجرا ایدیلور. ایچلرندن بری صاتیله حق حصه حقنده معامله متساویه اجراسنه موافقت ایتیه رک زیاده بدل ویردیکی حالده اول حصه یالکیز شریککک بیننده بالمزایده هانکیسینک عهده سنده تقرر ایدرسه آکا بیع و فراغ ایتدیریلور.

ماده : ۹- صاتیلمق ایستیلان حصه دیگر شرکا طرفندن مدت معینه ظرفنده شرا و تفرغ اولدینی و مستدعی اولان شریکک صاتمق خصوصنده اصرار ایدیکی ویا بدل مثل مقدره راضی اولدینی تقدیرده اول محلك تمامی تأمینات اراء اولنان اموال غیر منقوله حقنده کی قانون احکامنه توفیقاً بالمزایده طالبنه حاله و بدلی شریککک بیننده حصه لرینه کوره تقسیم ایدمک اوزره کیفیت صالح حاکمه تودیع اولنور و بو یوله صاتیلان محللر عندالایجاب اجرا مأموریتی معرفیه بالتخلیه مشتری و مفروغ لهره تسلیم ایدیلور.

ماده : ۱۰- مزایده اولنان محلك هیئت مجموعه سنی طالب ظهور ایتدیکی ویا بدل حد لایقنی بولدینی تقدیرده یالکیز شرکا بیننده مزایده ایدیلور. بو دخی ممکن اولدینی صورتده حصه سنی بیع و فراغ ایتک ایستیان کیمسه خارجدن طالب بولور ایسه آنک نامنه بیع و فراغ ایده بیلور و بو صورتلره بدل مثل ایله شرا و تفرغه طالب اولیان شرکانک حق شفعه و رجحانی ساقط اولور. بو وجهه بیع و فراغ اجراسی ده ممکن اوله مدینی حالده مناسب بر مدت مرورندن صکره مزایده نك تجدیدی جائدر.

ماده : ۱۱- طقوزنجی ماده حکمنه توفیقاً بالمزایده حاله معاملاتنک اکالندن صکره فسخ و الغاسی حقنده شرکا ویا ولی و وکیلری طرفندن اقامه ایدیه ک دعوالری استماعدن حکام ممنوعدر.

ماده : ۱۲- قسمت مصارفی اثنای قسمتده تقدیر اولنان قیمت و مزایده مصارفی دخی بدل مزایده اوزرندن بین الشرکا حصه لری نسبتنده تقسیم اولنه جنی کی مزایده نتیجه نه مدیکی تقدیرده مصارفی بو باده تشبثده بولنان حصه داره تحمیل قلنور.

ماده : ۱۳- صالح حاکمی بولنیمان محللرده بدایت محکمه لری صالح حاکمی قانوننه توفیقاً مواد آنفه موجبجه تقسیمی اجرا ایدر.

ماده : ۱۴- اشبو قانونک حکمی نشر و اعلانی تاریخندن اعتباراً مرعی اوله جقدر.

ماده : ۱۵- اشبو قانونک اجرای احکامنه داخلیه و مالیه و عدلیه و اوقاف ناظرلری مأموردر. اشبو لایحه قانونیه نك مجلس عمومینک کشادنده قانونیتی تکلیف اولنق اوزره موقتاً موقع اجرایه وضعی و قوانین دولته علاوه سنی اراده ایدرم.

۱۴ محرم ۱۳۳۲ و ۱ کانون اول ۱۳۲۹

محمد رشاد
اوقاف هایون ناظری مالیه ناظری عدلیه ناظری داخلیه ناظری صدراعظم
خیری رفعت ابراهیم طلعت محمد سعید

محکمہ نمبر ۱۱۱۸

محکمہ نمبر ۱۱۱۸ عمومی مقرراتی

محکمہ نمبر ۱۱۱۸ عمومی مقرراتی صادر اولاره ۳۱ اغستوس سنه ۳۲۹ تاریخ ۱۱۱۸ نومرولی اعلام صورته بر.

«رژری قولجیلرینک مکافات نقدیه نائلیتلری شهادت لرینک شایان قبول اولاسنه مانع قانونی تشکیل ایدمه من»

مناسرت ولایتی مرکز بدایت محکمه سی جزاد ائره سندن تنظیم و اعطا اولنوب محلی رژری اداره سی جانبندن شرائط لازمه سی بالایفا مدت معینه قانونیه سی ظرفنده تمیزاً تدقیق استدعا ایدیلان ۱۵ نیسان ۳۲۸ تاریخ و سکسان طقوز نومرولی اعلام ایله اوراق متفرعه سی باش مدعی عمومیلک مأموریت علیه سنک ۵ تموز ۳۲۸ تاریخ و اوچوز طقسان بش نومرولی تبلیغنامه سیله برلش دیریلرک محکمہ تمیزک هیئت عمومی سنججه

لدى المطالعة اعلام اخير مذ كورك اصرارى متضمن اولدينى اتفاهله تحت قراره التدقن صكره اساس ماده نك تدقيق مذا كره سنه ابتدار ايدلى .

اعلام مذ كورك خلاصه مالى خانه سنده يكرمى طقوز بچق كيلو چاق توتون دردست ايدلىكى ادعاسيله مظنون عليه اولان احمد اوغلى غالبك اجرا قلنان محاكمه سى نتیجه سنده مذ كور توتونلرك مظنون غالبك قومشوسى عثمان عمر ك حولى سنده دردست ايدلىكى اكلاشيلوب كرچه رضى قوجيلرى مظنون ايله زوجه سنك مذ كور توتونلرى قاجيرلىق اوزره قومشوسنك خانه سنه آتدقلى صروده دردست ايدلكرى اخبار ايتكمده ايسه لرده بونلر رضى نك اجير خاصى اولمقله برابر تحصيل ايديله جك جزاى نقدين حصه يه نائلتلىرى حسييله شهادتلى شهنه دن سالم كوريله مامش وقولجى حبيب خاتونك محاكمه سابقه ده مظنون عليه ك لهنده مسبق شهادتنده ثبات ايتمه رك بالاخره عكسنى اخبار يولنده اداره لسان ايتش وقومشو قپوسنك شاهد عثمان عمر طرفدن رزه ايله سد ايدلمش اولمسنه مبنى مرقومك خبرى اولمقسزى مظنون مرقوم جانبندن آچيله رق توتونك حولى سنه آتلى مكن اولميه جفك اولبايده كى كشفنامه ايله شهادت واقعه دن اكلاشلمسى دخی موجود شهنه يه تقويه ايلكمده بولمسندن طولاي شهادت مستمه ثبوت دعوايه كافى درجه ده كوريله مديكى كى مذ كور توتونك خانه سنده دردست اولان مزبور عمره عايدتى وياخود شاهدلردن اسلامك افاده سندن اكلاشليغى اوزره مذ كور حوليه خارجدن آتلىش اولمى محتمل اولوب مظنون مزبور غالبك آتدينى حقنده قناعت وجدانيه حاصل اوله مامش ايدوكندن بحثله مرقومك برائته دائر بديعه لاحق اون حكمك عندالتميز اسباب قانونيه دن طولاي نقض واعاده اولمى اوزرينه سبق ايدن محاكمه نتیجه سنده حكم سابقه اصراره قرار ويرلديكى متضمندر.

لايحه تميزيه ده رضى نظامنامه سنك التمش برنجى ماده سنده رضى مأمورلرى جانبندن تنظيم قلنان ضبط ورقه لرینك معتبر اولدينى بيان وتصريح ايدلمش وجهت جزائيه ده منفعت ماليه كيفيتى مانع شهادت احوالدى بولنماش اولدينى حالده محكمه بديعه بوراسى نظر دفته التمسزى و نقض واقع دائره سنده ايفاي معامله ايدلمقسزى حكم سابقه اصرار ايدلمسى مخالف اصول وقانون ايدوكندن بحثله اعلام اخير ابتدائى نك دخی نقضى استدعا قلمش وتبليغنامه ده دخی مذ كور لايحه ده نقصان تدقيقات ومعاملات ايله اساسه متعلق سرد ايديلان اعتراضاتك اعلام مذ كور مندرجاتنه نظراً غير وارد كورلديكى بيانيله ردى لزومى كوسترلمشدر.

ايجابى لدى المذاكره محكمه بديعه اجرا قلنان محاكمه اخيره ده حكم سابقه اصرارى اسباب موجب سى اولمق اوزره قچاق توتون مظنون عليه غالبك خانه سنده بولمىوب قومشوسى عمر عثمانك حولى سنده دردست ايدلىكى شهادت واقعه دن اكلاشيلوب كرچه شاهدلردن رضى قوجيلردن حسين حيدر و جليل مذ كور توتونى زوجه سيله بر لكده مظنون مرقوم طرفدن قومشو قپوسندن شاهد عثمان عمر ك حولى سنه قاجيرلىق اوزره آتدينى اثناده دردست ايدلكرى اخبار ايتكمده ايسه لرده مرقومان حسين حيدر و جليل مدعى بولنان

رضى اداره سنك اجير خاصى اولمقله برابر حكم وتحصيل اولنه جق جزاى نقدين بر نسبت معينه اوزرينه مكافات نقديه يه نائلتلىرى رضى اداره سنجه متخذ اصول اقتضاسندن بولمق وبنابرین شهادت لرنده جلب منفعت داعيه سى موجود اولمق جهتيه شهادتلى شايان قبول كوريله مامش ونه كيم رضى قوجيلردن ديكر شاهده حيبه خاتونك ده محاكمه سابقه ده مظنون لهنده شهادتنده ثبات ايتمه رك بوكره بسبتون افاده سابقه سنك عكسى اوله رق اخبارده بولمسنه وقومشو قپوسنك شاهد عثمان عمر طرفدن رزه ايله مسدود بولمسندن مرقوم عثمان عمر ك خبرى اولمقسزى مظنون غالب طرفدن آچلمسى وتوتونك حولى سنه آتلى مكن اولميه جنى اولبايده كى كشفنامه ايله شهادت واقعه دن اكلاشلمسى ده بروجه محرر موجود شهنه يه برقات دها تقويه ايلكمده بولنش وبوندن طولاي شاهدان مرقومانك شهادتلى ثبوت دعوايه كافى درجه ده كوريله مديكى كى عثمان عمر ك خانه سنده دردست ايدلمش اولان مذ كور توتونك مرقوم عثمان عمر طرفدن اخفا ايدلمش اولمق ويا شاهد اسلامك افاده سندن اكلاشليغى اوزره مذ كور حوليه خارجدن آچلاق بولنان ديواندن آتلى محتمل بولمق جهتيه ده مظنون غالب طرفدن اتلدينى خصوصنده بروجله قناعت وجدانيه حاصل اوله مامش ايدوكى درميان اولنش ايسه ده جلب وافاده لرینه مراجعت اولنان اشخاصدن رضى قوجيسى حسين حيدر و جليل طرفدن جزاى نقديسى ارانيلان توتونلرك اثنای تحريره مظنون غالبك زوجه سيله برلكده عثمان نام شخصك حولى سنه آتدينى صروده دردست ايدلىكى بيان واخبار اولندينى كى استتابة صورتيله معلوماته مراجعت ايديلان پوليس مأمورى تيور على افدينك اذات واقعه سى دخی مرقومانك اخباراتى مؤيد ورضى مأمورلرينك تحصيل اولنه جق جزاى نقدين استفاده لرى كيفيتى مانع شهادت برسب قانونى تشكيل ايدميه جكى دركار بولندينى حالده محكمه مذ كوره ده رضى قوجيلرينك مكافات نقديه يه نائلتندن طولاي افاده لرینك شايان قبول اولميه جنى يولنده ونظامنامه مخصوص ايله اولبايده كى تعليمات احكامه مخالف صورته سرد مطالعات ايديله رك وشومطالعات طولاي سيله رضى يه عايد دعاوينك ضبط ورقه لرى وقولجى لرك اخباراتى ايله مرتبه ثبوت ايصالى كيفيتك عدم جوازى كوستريه رك مظنون مرقومك بواسبابه بناء برائته قرار ويرلمش اولمسنك مغايرت قانونيه سنى متدائر اولان استدعا دائره سنك نقض سابقى مصيب ولازم الاتباع كورلديكندن اصول محاكات جزائيه قانوننك اوچيوز قرق التنجى ماده سى منظوقجه اعلام اخير ابتدائى نك دخی سبب مذ كور دائره سنده تقضيله احكام قانونيه دائره سنده ايفاي معامله اولمق اوزره اوراق دعوانك محله وتميز جزاى نقديسى اوله رق استانبول ولايتى مال صندوقه توديع ايدلمش اولان بش ليرانك اصول مذ كورك اوچيوز قرق اوچنجى ماده سنه توفيقاً رضى اداره سنه اعاده سنه و ايكىوز غروش اعلام خرجك تعرفه وتعليمات مخصوصه سى موجب سنجه ايلروده حقسز چيحه جق طرفدن استيفاسنه ۳۱ اغستوس ۳۲۹ تاريخنده اكثريله قرار ويرلدى .

محكمة تميز حقوق داره سنده صادر اولاده ۹ ايلول سنه ۳۲۹ تاريخي و ۱۶۹۹ نومردی اعلام صورتيه:

« اراضی مأورینک اذنه مقارت اولیان فراغلر غیر معتبر اولدینی حالدہ بشاهد استماعیله بیان اولنان فراغک اعتبارینه قرار ویرلسی مغایر قانوندر »

بوی آباد قضا سنک ییلانی قریه سنده مقیمان آینه جی اوغلی حاجی احمد ایله مراد اوغلی علی بئینده متکون دعوا یه دائر قضاء مذکور بدایت محکمه سندن ۸ شباط سنه ۳۲۸ تاریخی و یوز الی یدی عددیله و یریلوب مرقوم حاجی احمد طرفندن تمیزاً تدقیقی استدعا قلنان اعلام طرفینک اعتراض و جواب لایحه لریله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مرقوم علی محکمه مذکوریه باعریحال مراجعتله قریه مذکورده کائن قره کوغله دیمکله معروف انتقالاً متصرف اولدینی بشیوز غروش قیمتده معلوم الحدود بر قطعه ترلاسنه مزبور حاجی احمد طرفندن وقوعبولان مداخله نك منعی طلب و دعوی و بر قطعه طاپو سندی ابراز و اعطا و مدعی علیه دخی مدعا یه ترلانک نصفی کندوسنک و نصف دیگرى مدعینک عهده سنده مقید اولوب اولوجهله متصرف بولندقلرینی مدافعه بیان و ادعا و ییلانی چاری دیمکله معروف بر قطعه ترلا یه متدائر قید صورتی ابراز و ارأه و مدعی دخی مدعی علیه ترلاسنی اون بش سنه مقدم بالا شترا تصرف ایلکده اولدینی افاده و تذکار ایلمری اوزرینه ذی الیدلکک بالینه ثبوتندن و محل منازع فیهک کشفی بالاجرا راپور الندقدن صکره اجرا قلنان محاکمه و تدقیقات نتیجه سنده مدعا یه ترلانک ییلانی چاری نامیله معروف اولوب مدعینک قره کوغله نامیله دیگر موقعده ترلاسی اولدینی و مبرز قید صورتنک دخی مدعا یه ترلا یه متدائر اولدینی و مذکور نصف حصه یی مدعی مرقوم مدعی علیه احمددن بدل معلوم مقابلنده بالا شترا اون بش سنه دنبرو متصرف و زراعت ایلکده اولدینی اولبابده کی کشف راپوری مفادی و شهود مستمعه نك شهادتیه ثابت اولسنه مبنی اراضی قانوننک یکرمی برنجی ماده سی حکمنه توفیقاً مدعی علیه مرقومک مدعا یه ترلا یه وقوعبولان مداخله سنک منعیه مذکور ترلانک مدعی یه تسلیمسنه حکم و قرار ویرلدیکی اکلا شلمشدر .

مستدعی تمیز طرفندن و یریلان لایحه ده مدعی بدایه انتقالاً و مؤخرأ شرا تصرف ادعا سنده بولنسی حسیله حاصل اولان تناقضک نظر اعتباره التامسی و مدعا بهک قید رسمی و صورت تصرفی حقنده تدقیقاتده بولنلمامسی و شهادات واقعه شایان قبول دکل ایکن مدار حکم اتخاذ قلنمسی یولسز و مغایر قانون اولدیغندن بحثله اعلامک تقضی و لایحه جوابیه ده دخی موافق قانون اولان اعلام مذکورک تصدیقی طلب و استدعا قلنمشدر .

ایجابی مذاکره اولندقدہ کیفیت مدعا بروجه محرر تحت حکمه التمش ایسه ده مدعی علیه حصه سنی اون بش سنه مقدم بدل معلوم مقابلنده خارجاً صاتون آلوب ترلاسیله برلشدیردیکنی بیان ایتمش و اراضی مأورینک اذنه مقارن اولمیان فراغلرک غیر معتبر اوله جنی بدیی بولنش ایکن بدایت محکمه سنجیه شاهد استماعیله بیان اولنان فراغک اعتبارینه و بوسیدن طولانی مدعی علیه محل منازع فیه منع معارضه سنه قرار ویرلسی یولسز و مغایر قانون اولدیغندن اصول محاکمات حقوقیه قانوننک ایکوز قرق برنجی ماده سی موجبجه اعلام مذکورک تقضیه قانون مذکورک ایکوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه و مدعا بهک قیمتی بشیوز غروشندن عبارت اولدیغندن اول و آخر تأجیل و تعجیل استیفا سی لازم کلان مصارف تمیزیه مفرداتی زیرده کوسترلمش اولدیغندن بونلرکده ایلروده حقسنر حقیقه جق طرفه عائد اولسنه ۹ ايلول سنه ۳۲۹ تاریخده متفقاً قرار ویرلدی .

محكمة تميز حقوق داره سنده صادر اولاده ۱۴ ايلول سنه ۳۲۹ تاريخي و ۱۷۴۱ نومردی اعلام صورتيه:

« اراضی دعوا سنده، مدعی علیه بعضی مدعینک اصحاب سهامدن اولدینی

اعتراف ایتدیکی حالدہ دعوا ده مرور زمان یوقدر »

کنغری سنجاغنه تابع نوبخت ناحیه سنک کیرلی اچقه قریه سنده مقیم ضوبهلق اوغلی خلیل ایله بوکد آقسکی قریه سنده ساکنلر خطیب اوغللری خلیل و رجب بئینلرنده متحدث دعوا یه دائر لوای مذکور بدایت محکمه سندن ۱۳ نیسان سنه ۳۲۸ تاریخی و یکرمی بر عددی ایله و یریلوب مزبور ضوبهلق اوغلی خلیل طرفندن تمیزاً تدقیقی استدعا قلنان اعلام طرفینک اعتراض و جواب لایحه لریله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مزبور ضوبهلق اوغلی خلیل محکمه مذکوریه باعریحال مراجعتله مذکور بوکد آقسکی قریه سنده واقع معلوم الحدود اون درت قطعه ترلانک سکنر سهیده بر سهمنه متصرفه اولان والدیه سی خطیب اوغلی کریمه سی جنت خاتونک و فاتیله کندوسنه انتقال ایلدیکی حالدہ دائی زاده لری مرقومان خلیل و رجب و سعده طرفلرندن مذکور ترلا حصه لرینه واقع اولان مداخله لرینک منعی طلب و دعوی و مدعی علیهمدن سعداللهک دعوت واقعه یه عدم اجابته مبنی انک حقنده غیاباً اجرای محاکمه یه لدی الابتدار مدعی مزبورک دعوا سنه قارشو مدعی علیهمدن خلیل و رجب جدلری خلیلک قرق سنه اول وقوعوفاتی افاده ایله برابر اشبو تاریخدن یکرمی سنه مقدم وفات ایدن پدرلری یدنده مدعا یه تارلارلری بولنش اولدقلرینی و شیمدی یه قدر تصرف ایلدکلرینی و مدعی مزبور خلیل دخی دده لری خلیلک قری اوغلی اولدینی اقرارله تصرف ایتدیکنی مدافعه بیان و تذکار ایلمری اوزرینه جریان ایدن محاکمه و تدقیقات

نتیجه سنده دعوی واقعده مرور زمان وقوعی کورلمش اولسنه و برمدت مورت و برمدت وارث ترك ایدوبده ایکی مدتک مجموعی مرور زمان حدینه بالغ اولور ایسه استماع اولمیه جنی حکم قانون اقتضاسندن و اراضی دعوالرنده مرور زمان اون سنه اولوب مدعابه ترلا حقنده قرق سنه زمان مرور ایلدیکی طرفینک تصادقيله تبیین ایتسنه بناءً بجهلک بیک التیوز یتمنجی ماده سی موجبجه دعوی مذکورک مرور زمانه عدم استماعنه حکم اولدینگی آکلاشلمشدر .

مستدعی تمیزک اعطا ایلدیکی لایحه اعتراضیه ده مدعی علیهمدن خلیل ورجبک حضور حاکمه کندوسنک دده لری خلیلک قزی اوغلی اولدینگی اقرار و اعتراف ایتلمی بجهلک بیک التیوز یتمنجی ماده سی موجبجه مرور زمانی اسقاط ایلدیکی حالده محکمه مذکورجه بوقاعده قانونیه رعایت اولنمیه یولسز و مغایر قانون اولدینندن بحثله اعلام مذکورک نقضی و جواب لایحه سنده ده غیروارد اولان اعتراضک ردیله موافق اصول و قانون اولان اعلامک تصدیقی طلب واستدعا اولمشدر .

ایجابی مذاکره اولندقدده هر نه قدر محکمه جه کیفیت بروجه محرر تحت حکمه آلمش ایسه ده مدعی علیک بعضیسی مدعینک اصحاب سهامدن اولدینگی اقرار ایلمی حسیلیله دعوا ده مرور زمان متصور دکل ایکن محکمه مذکورجه بروجه محرر مرور زمانه بناءً دعوانک ردینه قرار ویرلمی مخالف قانون اولدینغه بناءً اصول محاکمه حقوقیه قانوننک اکیوز اوتوز ایکنجی ماده سی موجبجه اعلام مذکورک نقضیه قانون مزبورک اکیوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمنتده محکمه مذکوریه اعاده سنه واشبو دعوا دن طولانی اختیار اولتان مصارف تمیزییه نک ایلروده حقسنز چیه جق طرفه عائد اولسنه ۱۴ ایلول سنه ۳۲۹ تاریخنده متفقاً قرار ویرلدی .

محکمہ تمیز حقوق دأره سنده صادر اولده ۲۵ ایلول سنه ۳۲۹ تاریخلی ۱۷۹۲ نومردلی اعلام صورتیدر :

« مدعی علیه منازع فيه تارلايه ذی الید اولدینگی ادعا ایلدیکی تقدیرده مدعینک

ذی الید اولدینگی ثابت اولسه دخی مدعی علیه مرقومه ذی الید اولدینگی اثبات

ایتدیرلمک لازمکلیر »

مکری قضاسنه تابع قبا اخاج قریه سی اها لیسندن و زراع دن عبدا ایله قهوه جی علی بیننده متکون دعوا یه دأثر قضاء مذکور بدایت محکمه سندن ۱۱ مایس ۳۲۹ تاریخلی و یوزاون عددی ایله ویریلوب مزبور عبدا طرفندن تمیزاً تدقیقی استدعا قلنان اعلام یالکز لایحه اعتراضیه ایله بالمطالعه تدقیقات تمیزییه اجراسنه ابتدار قلندی . اعلام مذکور مندرجاتنه نظراً مزبور علی باعری فحال محکمه مذکوریه مراجعتله باطابو متصرف اولدینگی اراضی داخلنده بولنان سکنز دوئم مقداری ترلايه مرقوم عبدا طرفندن فضولی و وقوع بولان مداخله نک منعی طلب و دعوی و برقطعه طاپو سندی ابراز و اعطا ایدوب محکمه جه مدعینک اقامه ایتدیکی ذی الید

شاهد لری بعد الاستماع مدعی علیه مرقوم مدعابه محله کندوسی با طاپو متصرف و ذی الید اولدینگی جهتله ذی الید شاهد لری نک استماع اولنسی افاده و انبا و برقطعه طاپو سندی ابراز و اراؤه ایلمی اوزرینه محکمه جه بوجهت بالتذکر ذی الیدک اولجه مدعی طرفندن اثبات اولدینندن مدعی علیه طرفندن اثباته حاجت اولمادیگی و محل منازع فیهک اجرای کشفی قرار گیر اولدقدن صکره جریان ایدن محاکمه و تدقیقات نتیجه سنده مدعی علیک مدعابه محله فضولی مداخله ایلدیکی و محل مذکور مدعینک اراضیسی حدودی داخلنده بولن دینگی مبرز طاپو سندی اولباده اجرا قلنان کشفی ناطق معطی راپور مندرجاتیله ثابت اولمش و مدعی علیه طرفندن مبرز طاپو سندنده محرر حدود مدعابه محلی احتوا ایتدیکی استماع اولتان اهل خبره و اجرا ایدیلان تدقیقاتدن آکلاشلمش اولدینندن مدعی علیک مداخله واقع سنک منغه قرار ویرلدیکی آکلاشلمشدر .

سالف الذکر لایحه تمیزییه ده کندوسنک ده ذی الید ایکنی اثبات ایتدیرلمک و منازع فیه محل طرفندن هانکیسنک اراضیسی داخلنده بولن دینگی حقيله کشف اولنق مقتضی ایکن بوجهت لری نظر اعتباره النامسی یولسز اولدینندن و افادات سائر دن بحثله اعلامک نقضی استدعا ایدلمشدر .

ایجابی کیفیت مذاکره اولندقدده خصوص مدعا هر نه قدر بروجه مشروح حکم و قراره ربط اولنش ایسه ده مدعی علیه منازع فیه ترلايه ذی الید اولدینگی ادعا ایلمش اولدینغه کوره کیفیت اکادخی اثبات ایتدیرلمک لازم کلور ایکن اولجه مدعینک ذی الید اولدینگی ثابت اولنق وسیله سیله اثباتی جهتنه کیدلامسی یولسز اولدینگی کی طرفندن مبرز سندات محل منازع فیه تطبیق ایدیلرک محل مذکورک هانکی طرفک سندی داخلنده اولدینگی آکلاشیلورسه اکا کوره حکم اولنق و تطبیقاتله حل مسئله ایدیله مدیکی تقدیرده ایجاب ایدن طرفدن شاهد طلب اولنق صورتیله حل مسئله ایدلمک ایجاب ایدر ایکن کشف راپورنده سنداتک محل منازع فیه لزومی کی تطبیق و تحقیق ایلدیکی حالده مدعینک سندی احتوا ایتدیکندن بحثله قرار ویرلمی یولسز و جریان محاکمه یه مخالف اولدینندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک نقضیه قانون مزبورک ایکی یوز قرق دردنجی ماده سی برنجی فقره سی حکمنه توفیقاً کیفیتک صورت محرره دأره سنده تکرار بالرؤیه اعلامه ربطی ضمنتده محکمه مذکوریه اعاده سنه و مصارف آتیّه تمیزییه نک ایلروده حقسنز چیه جق طرفه عائد اولسنه ۲۵ ایلول سنه ۳۲۹ تاریخنده متفقاً قرار ویرلدی .

محکمہ تمیز حقوق دأره سنده صادر اولده ۲۵ ایلول سنه ۳۲۹ تاریخلی ۲۰۱۴ نومردلی اعلام صورتیدر :

« شهادت »

قرتال قضاسنه تابع دولای اوبه قریه سندن متوفاة شریفه خانم ورثه شندن برادر لری مصطفی و علی بکیر و هم شیریه سی عایشه خانم ایلر رسول افندی و زوجیه سی فکریه خانم میانه لرنده متکون دعوا یه دأثر در سعادت استیناف

حقوق محکمه سندن ۱۰ ايلول ۳۲۹ تاريخي و يوز التمش التي عددليه ويريلوب يالكز مومي اليه مصطفى بك طرفدن تميزاً تدقيق استدعا قلنان اعلام طرفينك اعتراض وجواب لايحه ليله برابر بالمطالعه تدقيقات تميزيه اجراسنه ابتدار قلندي .

اعلام مذکور مندرجاته نظراً مومي اليهما رسول افندي وفكريه خانمك باعريض حال قرتال قضاسي بدايت محکمه سنه مراجعتله متوفاه من بوره شريفه خانمك خدمته كيردكاري ۱ تموز ۳۰۹ تاريخندن وفاته دكين سبق ايدن خدمتلي اجرتندن سندلي وسندسز الاجقلى اولان يكرمي ايكي بيك كسور غروشك تركه متوفاه اضافه ورثه مومي اليهمدن تحصيلي حقه اقامه ايتدكاري دعوى اوزرينه اولان غياباً و محكوم عليهمدن مصطفى بك طرفندن وقوعبولان اعتراض اوزرينه مدييات مومي اليهمانك معترض مومي اليه قارشو معارضه سنك منعي يولنده و جاهاً لاحق اولان اعلام عندالاستيناف بالتدقيق مذکور سنك فعل تخمينك متوفاه من بوره طرفندن وقوعي اثبات ايتديرلمكسزين مومي اليه مصطفى بكك عدم علمه تخليفنه قرار ويرلمسك يولسز لغندن و سائر سبيدن ناشي فسخ اولندقدن صكره يكيدن اجرائي محاكمه ليدى الابتدار مستأنفات مومي اليهما رسول افندي وفكريه خانمك كيفيت تختمى بعدالتميز اثبات ايدجكلرندن انجق اوج يوز اون اوج مارتى ابتداسندن اعتباراً متوفاه من بوره زردنده سبق ايدن مدت معلومه خدمتلي اجر مثلك تحصيلي طلب ودعوى ومستأنف عليه مستأنفلر كچه مورثه سي متوفاه من بوره زردنده بولنمشلر ايسه ده خدمت ايتلرينه دائر متوفاه من بوره نك كندولرينه بر كونه امري واقع اولماق و اجرتله خدمت ايدن مقوله دن بولنماش اولدقلىندن بختله اجرت لازم كليجكلى افاده و انبا و مستأنفلر ايسه امر و اجرتله خدمتي و مقدار اجرتي اثبات ايدجكلريني بيان و ادعا ايتلري اوزرينه محكمه جه مستأنفلر اقامه ايدجكلري شهودك استماعي قرار كير اوله رق جريان ايدن محاكمه و تدقيقات نتيجه سنده مستأنفلر متوفاه من بوره نك امريله خدمت ايتدكاري و اجرتله خدمت ايدر مقوله دن اولدقلى و رسول افندينك شهرى ايكي يوزا لى وفكريه خانمك تمش غروش اجرتله مستحق اولدقلى شكيب و جمال اغار و حق بك و احمد اغانك شهادتليله ثابت اولسنه و مستأنفلر محكمه بدايجه استظهاراً تخليفلى اجرا قلنش بولنسنه مومي اليهما رسول وفكريه خانمك ۱ مارت ۳۱۳ تاريخندن ۶ اغستوس ۳۲۰ تاريخنه قدر متوفاه من بوره زردنده سبق ايدن خدمتلي اجرتندن مستأنفلر مجموع ورثه ده جمعاً يكرمي سكر بيك كسور غروش الاجقلى اولديني عندالحساب اكلاشلمش ايسه ده دعوى عرضالنده يكرمي ايكي بيك كسور غروش طلب ايدلمش اولسندن ناشي اشبو فضله حقه برشى دينيله ميوب انجق ورثه دن على بك و عائشه خانم عليهم رنده كي حكم غيايي قبول ايدرك حصه لرينه اصابت ايدن مقداري مستأنفلره تسويه ايلش اولدقلى مستأنفلر اولبابده كي لايحه اعتراضيه سنده اعتراف ايدلمش اولسندن ناشي مبلغ مدعا به دن يالكز سكر بيك كسور غروشك مصطفى بكدن بالتحصيل مستأنفلره اعطاسنه حكم و قرار ويرلديكي اكلاشلمشدر .

سالف الذكر لايحه تميزيه ده شهود مستمعنه ك شهادتي هيچ بر وجهله دعوايه مطابق اولماديني حالده محكمه جه قبول و مدار حكم اتخاذ اولنسي يولسز اولديغندن و اعتراضات سائرده دن بختله اعلامك تقضى و لايحه جوابيه ده دخي اعتراضات مسروده نك غير وارد ايدوكى بيانيله ردى و موافق اصول وقانون اولان اعلام مذكورك تصديقي طلب واستدعا ايدلمشدر .

ايجاب كيفيت مذاكره اولندقدن خصوص مدعا هر نه قدر محكمه جه بوجه مشروح حكم و قراره ربط اولنش ايسه ده اعلام تميزيه ك مندرجاتندن مستفاد اولديني اوزره مدعيلر ۱ تموز ۳۰۹ تاريخنده متوفاه شريفه خانمك خدمته كيردكاري بيان ايتمشلر ايكن شهوددن حق افندي اوج يوز اوج سنده خدمت مذكوره يه كيرمش اولديغنه شهادت ايتمش اولسي حسييله شاهد مرقومك كذبى ظاهر اولديني و شكيب و جمال اغارك شهادتلي ارسنده زمان امره برسنه لك برفرق بولنديني و بدايت محكمه سنده مدعيلر تخليص ايچون اعلام استينافيده محكي بولنان صورت بختله نك تعريفاته موافق اولماديني و شكيب اغانك شهادتي امره واقع اولمايوب كندى علمنه يعنى شكيب اغا مشهود بهي امر كوستريميوب امره كندى علمى بولنديني حالده محكمه استينافيه جه جهات مذكوره نك نظر اعتبار و دفته آلمانسي يولسز و مغاير قانون اولديغندن اصول محاكمه حقوقيه قانوننك ايكي يوز اوتوز ايكنجي و ايكي يوز قرق برنجي ماده لري ايجاباتخه اعلام مذكورك نقضيله قانون مزبوك ايكي يوز قرق دردنجي ماده سي حكمه توفيقاً كيفيتك تكرار بالرؤيه اعلامه ربطى ضمننده محكمه مذكوره يه اعاده سنه و مصارفات آتیه تميزنك ايلروده حقسنر حيقه جق طرفه عائد اولسنه ۲ تشرين ثاني ۳۲۹ تاريخنده متفقاً قرار ويرلدى .

محكمه تميزه حقوق دأره سنده صادر اولانه ۵ تشرين ثاني سنه ۳۲۹ تاريخي و ۲۰۶۳ نومردى اعلام صورتيه :

« بشيك غروشى تجاوز ايدن دعاوينك شهود شخصيه ايله اثباتنه مساع كوسترلسي

آنجق ، اولبابده كي دين سندينك كيفيت ضياعنك ثبوتنه متوقفدر »

كيوه نك سراجلى قريه سنده مقيان قليچ پانده لى قزى كيريا كيجه قادين ايله عرب اوغلى يوان ولد يوردان بيننده متكون دعوايه دائر كيوه بدايت محكمه سندن ۳ اغستوس سنه ۳۲۹ تاريخي و اوتوز طقوز عددليه ويريلوب مزبوره كيريا كيجه قادين طرفندن تميزاً تدقيق استدعا قلنان اعلام يالكز مستدعيه نك اعتراض لايحه سيله بالمطالعه تدقيقات تميزيه اجراسنه ابتدار قلندي .

اعلام مذکور مندرجاته كوره : مرقوم يوان كيوه بدايت محكمه سنه باعريض حال مراجعتله متوفى قيصرى قسطنطينيه قان و والده سي مزبوره كيريا كيجه ذمتلرنده ضايع ايلديكي برقطعه سند موجبجه يكديكرينه كفيل بالمال صورتيه الاجنبي اولان طقسان يدى ليرانك متوفى قسطنطينيه تركه سنه مراجعت حق باقى قالمق اوزره

مزبورہ کیریا کیجہ قادیندن تحصیل حقندہ اقامہ ایلدیکی دعوانک اجرا قلنان محاکمہ و تدقیقاتی نتیجہ سندہ مدعی علیہانک مدعیہ طقسان یدی ایرا دینی بولندینی استماع اولنان شهود مرکانک شهاداتی و مدعینک استظهاراً اجرا قلنان تحلیفیه تحقق ایتیمسنه بناءً مدعینک متوفی قسطی ترکسینه حق مراجعتی باقی قالمق اوزره مبلغ مذکورک مزبورہ کیریا کیجہ دن تحصیلنه حکم و قرار ویرلدیکی اکلانلشددر .

مستدعیه طرفندن ویریلان لایحه ده : سندک ضیاعی حقندہ تحقیقات اجرا ایدلمکسزین افرادہ وقوعبولان شهادتہ بناءً برمنوال محرر قرار ویرلمسی یولسز و مغایر قانون اولدیغندن و اعتراضات سائرہ دن بحالہ اعلامک نقضی طلب و استدعا اولنمشدر .

ایجابی لدی المذاکرہ خصوص مدعا ہر نہ قدر برمنوال محرر حکم و قرارہ ربط اولنمش ایسہ ده مدعاہک بشیک غروشی تجاوز ایتیم اولسنہ کورہ دعوائی مذکورہ نک شهود شخصیہ ایلہ اثباتہ مساع کوسترلمسی اول امرده اولبابدہ کی دین سندینک کیفیت ضیاعنک ثبوتہ متوقف ایکن بدایت محکمہ سنجه بو جهت اثبات ایدلمکسزین اقراری اخباردن عبارت اولان شهادتک قبولیلہ بروجه حرر قرار ویرلمسی یولسز و مغایر قانون اولدیغندن اصول محاکمہ حقوقیہ قانوننک ایکوز اوتوز ایکنجی مادہسی موجبجه اعلام مذکورک تقضیلہ ایکوز قرق دردنجی مادہسی حکمنہ توفیقاً کیفیتک بالرؤیہ اعلامہ ربطی ضمندنہ محکمہ مذکورہ یہ اعادہ سنہ واشبو دعوان طولانی اختیار اولنوب زیرہ مفرداتی مرقم مضارفک ایلرودہ حقسز چیقہ حق طرفہ عائد اولسنہ ۵ تشرین ثانی سنہ ۳۲۹ تاریخندہ متفقاً قرار ویرلدی .

محکمہ تمیز جزا دائرہ سی مقرراتی

محکمہ تمیز جزا دائرہ سندہ صادر اولارہ ۲۰ تشرین اول سنہ ۳۲۹ تاریخنی و ۲۷۲۲ نومرولی اعلام صوریندر :

« عفو عمومی ایلہ ساقط اولان محکومیت سابقہ نک تکررہ اساس اتحاد ایلنسی موجب نقضدر »

آماسیہ سنجانی بدایت محکمہ سی جزا دائرہ سندن تنظیم واعطا ۱ تشرین اول ۳۲۹ تاریخنی و سکسان اوچ نومرولی اعلام ایلہ اوراق متفرعہ سی باش مدعی عمومیلک مأموریت علیہ سندن ۱۸ ذی الحجہ ۳۳۱ و ۵ تشرین ثانی ۳۲۹ تاریخنی و اوچ بیک الی یوز الی اوچ نومرولی تبلیغنامہ ایلہ محکمہ تمیز جزا دائرہ سنہ اعطا قلنمشدر .

اعلام مذکورک خلاصہ مالی اوچوزیکرمی سکز سنہ سی مارتنک اوتوز برنجی کیجہ سی حوضہ قضاسنک ایجادیه محله سندن قورد دده اوغلی حافظ عبدالحلیم افندینک خانہ سنہ بالدخول معاملہ جبر و شدت اجرا سیلہ

اشیاسنی سرقتہ تصدی ایلدیکی ادعا قلنمشندن دولای جنایتہ اتهام اولنان لاریق قضاسنک آشانی محله سندن قمر اوغلی اسماعیلک بالمحاکمہ ثبوت فعلنہ مبنی مجرمیت و محکومیتہ دائر مقدما صادر اولان اعلام عندالتمیز مرقومک تکررہ اساس اتحاد اولنان محکومیت سابقہ سنک مصدق اولوب اولمدینی حقندہ تدقیقات اجرا ایدلمش اولمشندن دولای نقض اولنہ رق اوراقنک اعادہ قلنسی اوزرینہ اخیراً اجرا قلنان محاکمہ علیہ نتیجہ سندہ مجرم مرقومک محکومیت سابقہ سنک مصدق اولمدینی محکمہ باش کاتبنک اولبابدہ کی درکنارندن اکلانلشد مش اولغلہ حرکتہ توافقی ایدن قانون جزانک ایکی یوز یکرمی برنجی مادہسی دلالتیلہ قرق التنجی مادہ سنہ تطبیقاً و تنزیلاً تعین اولنان بریچق سنہ کورک جزاسنہ مکررلیکی حلیلہ سکزنجی مادہ یہ توفیقاً بر مثلنک ضمیله اوچ سنہ مدتہ کورک قونلسنہ ۲۹ اغستوس ۳۲۹ تاریخندہ حکم اولدیغندن عبارتدر .

سالف الذکر تبلیغنامہ دہ دخی : حقندہ اعتراضہ محل کوریلہ میان اعلام اخیر مذکورک تصدیقی طلب اولنمشدر . اوراق دعوی بعدالمطالعہ تدقیقات تمیزیه اجرا اولندقدہ : نقض واقعہ تبعاً اجرا قلنان تحقیقات اوزرینہ مرقومک محکومیت سابقہ سنک مصدق اولمدینی اکلانلشد مش ایسہ ده مقدما محکوم اولمدینی بش سنہ کورک جزاسنک قانون اخیر موجبجه نصفی عفو ایلہ ساقط اولوب نصف دیگرینی دخی بالاکال سبیلی اخلاقلنمش اولسنہ و عفو عمومی ایلہ ساقط اولان محکومیت مذکورہ نک تکررہ اساس اتحاد اولنہ میہ جنی درکاربولنسنہ کورہ بوجہ حقندہ عندالمذاکرہ بیان رأی اولنمشزین مرقومک تضعیف مجازاتی جہتہ کیدلش اولسی مخالف قانون و نقض حکمی مستلزم اسبابدن اولدیغندن اعلام اخیر مذکورک دخی اصول محاکمات جزائیہ قانوننک اوچوز اون دردنجی مادہ سنہ توفیقاً نقضه واحکام قانونیہ دائرہ سندہ ایفای معاملہ اولنق اوزره اوراقنک محله اعادہ سنہ و ایکی یوز غروش اعلام خرجنک ایلریدہ حقسز چیقہ حق طرفدن تحصیلنه ۹ تشرین ثانی ۳۲۹ تاریخندہ متفقاً قرار ویرلدی .

محکمہ تمیز جزا دائرہ سندہ صادر اولارہ ۲۱ تشرین اول سنہ ۳۲۹ تاریخنی و ۳۳۲۷ نومرولی اعلام صوریندر :

« ازالہ بکر و تطبیق مادہ »

دکزی سنجانی بدایت محکمہ سی جزا دائرہ سندن تنظیم واعطا قلنان ۱ جمادی الاخرہ ۳۳۱ و ۲۵ نیسان ۳۲۹ تاریخنی و یکرمی الی نومرولی اعلام ایلہ اوراق متفرعہ سی باش مدعی عمومیلک مأموریت علیہ سندن ۳۶ ذی القعدہ ۳۳۱ و ۱۴ تشرین اول ۳۲۹ تاریخنی و اوچبیک اوچوز الی اوچ نومرولی تبلیغنامہ ایلہ محکمہ تمیز جزا دائرہ سنہ تودیع ایدلمشدر .

اعلام مذکورک خلاصہ مالی اوچوز یکرمی سکز سنہ سی تموزینک اون التنجی کونی یولدان قضاسنک مجیدیه قرہ سندن کامل اوغلی محمدک منکوحہ سی و ایواز اوغلی مصطفی قیزی لیفہ یی صورت جبریدہ

قاجیره رق بکری ازاله ایلدکری ادعا قلمسندن طولای جنایتله اتهام اولنان ببق قریه سندن قاشقچی حاجی حسین اوغلی خلیل و کوتایک تلکیلک محله سندن تیمورچی اوغلی حاجی ابراهیم بن محمد و کورد اوغلی حسینک اجرا قلنان محاکمه لری نتیجه سنده متهمون مرقوموندن حاجی ابراهیم و حسینک معاونتلیله خلیلک ذات الزوج اولان مزبورده بی قاجیره رق فعل شنیع اجرا سیله بکری ازاله ایلدیکی مدعیه نک حصرآ واقع اولان ادعای و شهودک شهادتی و طیب راپوری مندرجاتی و امارات سائر ایله ثابت اولدیغندن اولوجهله مجرمیتلرینه و خلیلک حرکتیه تطابق ایدن قانون جزانک ایکوز التنجی ماده سنک بشنجی فقره سنه و حین ایقاع جریده اون سکزی یاشی اکیال ایتدیکی جهتهله قرقچی ماده سنه توفیقاً و ابتدای تاریخ توقیفی اولان اوچیوز اوتوز سنه سی شعبانک اون بشنجی کونندن اعتباراً تعیین اولنان اتی سنه کورک جزاسنک نصفی اولان اوچ سنه و ابراهیمک قرق بشنجی ماده سی دلالیه مذکور ایکوز التنجی ماده نک بشنجی فقره سنه تطبیقاً و تاریخ مذکورن ابتداء اصل فعل ایچون معین اولان بش سنه کورک جزاسنک ثلثانی اولان اوچ سنه درت ماه مدتله حبس لرینه و حسینک حین ایقاع جریده اون بش یاشی اکیال ایتدیکی جهتهله مواد مذکوره ایله قرقچی ماده احکامنه توفیقاً و تاریخ مذکورن اعتباراً و تنزیلاً اون اوچ آی اون کون مدتله حبسنه و اون لیراضمان بکری خلیلدن بالتحصیل مزبورده اعطاسنه ۳۱ مارت ۱۳۲۹ تاریخنده حکم اولدیغندن عبارتدر سالف الذکر تبلیغنامه ده دخی اعلام مذکورک تصدیق طلب اولمشدر .

اوراق دعوی بعدالمطالعه تدقیقات تمیزیه اجرا اولندقد مرقوموندن خلیل و حسین حقلرنده جریان ایدن محاکمه ایله لاحق اولان حکم اصول و قانونه موافق بولندیغندن حکم مذکورک تصدیق و حاجی ابراهیم حقهده کی حکمه کلنجه قانون جزانک ایکوز التنجی ماده سی موجبجه اصل فعل ایچون معین اولان کورک جزاسنک قرق بشنجی ماده قانونیه به توفیقاً تنزیلنده دخی کورک اوله رق کوسترلمسی لازم کلیرکن مرقومک جزاسنک تنزیلنده حبس اوله رق کوسترلمسی مغایر قانون اولدیغندن انک حقهده کی حکمک دخی اصول محاکمات جزائییه قانوننک اوچیوز اون دردنجی ماده سنه توفیقاً نقضه و احکام قانونیه دائره سنده ایفای معامله اولتیق اوزره اوراقلک محله اعاده سنه و یوز غروش تصدیق خرجنک خلیل و حسیندن و ایکوز غروش نقض خرجنک دخی ایلروده حقسز حقیقه جق طرفدن تحصیلنه ۲۱ تشرین اول ۳۲۹ تاریخنده متفقاً قرار ویرلدی .

محکمہ تمیز جزا دائره سنده صادر اولده ۲۸ تشرین ثانی سنه ۳۲۹ تاریخی و ۳۸۰۴ نومرولی اعلام صورته برده :
« لیلأ وقوعه کان سرقت فعلیه نهاراً ایقاع ایدیلن سرقت جبریہ جرائمی فاعلیرینک صورت تجزیه سی و تطبیق ماده »

مرعش سنجانی بدایت محکمه سی جزا دائره سندن صادر اولان ۵ شعبان سنه ۳۳۱ و ۲۶ حزیران سنه ۳۲۹ تاریخی و ایکی یوز سکسان سکزی نومرولی اعلام ایله اوراق متفرعه سی باش مدعی عمومیلک

مأموریت علیه سندن ۲ ذی الحجه سنه ۳۳۱ و ۲۰ تشرین اول سنه ۳۲۹ تاریخی و اوچ بیک درتیوز یتش اتی نومرولی تبلیغنامه ایله محکمہ تمیز جزا دائره سنه اعطا قلمشدر .

اعلام مذکورک خلاصه مآلی ازمئه مختلفه ده البستانک انچه شار قریه سندن محمد اوغلی ابراهیم و رفقاسی ضرب و جرح واقعه و اشیا لرینی اخذ و غصب و کرازی یورط قریه سندن ایوب اوغلی مصطفی نک چقتلکندن اشیا سی سرقت و کندوسی ضرب و جرح ایتک و یتاقلق ماده لرندن طولای جنایتله اتهام اولنان جاغشاق قریه سندن کوجک اوغلی دیمکله معروف اسماعیل اوغلی یوسف و قرقراق قریه سندن حیدر اوغلی حاجی علی و مرعشک عربلر قریه سندن اسماعیل اوغلی علی و قره کلیسا قریه سندن صیلجقل حسین اوغلی اسماعیل و دال قواق قریه سندن علی اوغلی محمد و جاغشاقلی خسته علینک توحیداً اجرا قلنان محاکمه علیه لری نتیجه سنده متهمون مرقوموندن یوسف و حاجی علی ایله اسماعیل اوغلی علینک مشترکاً و مجتمعاً و مسلحاً مدعی ابراهیم و رفقاسنک طریق عامده جرح ایقاعی صورتیه تقود و اشیا لرینی و بونلردن یوسفک اسماعیل ایله برابر دیگر مدعی مصطفی نک لیلأ و مسلحاً خانه سنه بالدخول کندوسی قید و بند و جرح ایتک صورتیه اشیا سی اخذ و سرقت ایلدکری و محمد ایله خسته علینک دخی یتاقلق فعلنه جرأتلری مع القسم واقع اولان شهادت و ضبط و ورقه سی و معاینه راپوری مندرجاتی و دلائل و امارات سائر ایله ثابت اولدیغندن اولوجهله مجرمیتلرینه و بونلردن یوسف و حاجی علی و اسماعیل اوغلی علی و اسماعیلک قانون جزانک ایکی یوز اون سکزینجی ماده سی حکمنه توفیقاً مع التشریر اون بشر سنه و علی اوغلی محمدکده قرق بشنجی و مذکور ایکوز اون سکزینجی ماده لری احکامنه توفیقاً تعیین ایدیلان اون بش سنه کورک جزاسنک ثلثانی اولان اون سنه و خسته علینک قانون مذکورک ایکی یوز اوتوزنجی ماده سی علاومشک ایکنجی فقره سنه توفیقاً و درجه فعلنه نظراً کذلک اون سنه مدتله کورک قونلرینه ۲۵ حزیران سنه ۳۲۹ تاریخنده حکم اولندیغندن عبارتدر .

محکومون مرقوموندن اسماعیل و خسته علی طرفلرندن ایری ایری ویریلان ایکی قطعه لایحه تمیزیه لرده مدافعه شاهدلرینک محکمه جه جلب و استماع اولمدیغنه و وکیل مدافع لرینک مدافعاتی اسباب موجب قانونیه ایله رد ایدلدیکنه و سائر نقصان تحقیقات و تدقیقاته دائر اعتراض سردیله حقلرنده کی حکمک نقضی استدعا اولمشدر .

تبلیغنامه مفادی دخی دعوای مذکورده نک صورت جریان محاکمه سیله قانونه تطبیق حقهده اعتراضه محل اولمادیخی و تمیز لایحه لرنده اصول و اساسه متعلق درمیان اولنان اعتراضاتک غیر وارد بولمادیخی بیانیله اعلام مذکورک تصدیق طلبی محتویدر .

اوراق دعوی بعدالمطالعه تدقیقات تمیزیه اجرا اولوندقد متهملردن اسماعیل ایله یوسفک حرکتلری لیلأ و جبراً ایقاع سرقت جرمندن عبارت اولسنه نظراً تطبیق اولنان ایکوز اون سکزینجی ماده قانونیه به موافق ایسه ده توحید ایدیلن دیگر سرقت ماده سندن متهم اولان اشخاصک جرملری معامله جبر و شدت اجرا سیله نهاراً غصب فعلی ارتکابدن عبارت کورلسنه و مذکور ایکوز اون سکزینجی ماده ده محرر بش خالدر برنجیسی

فعلک لیلای ایقاعندن باحث اولسنه کوره لیلای وقوعه کلان سرقت فعلیه نهاراً ایقاع ایدیلن سرقت جبریہ جرائی فاعلرینک یکدیگرندن تفریق ایدلمکسزین هر ایکی فعلدن طولانی مذکور ایک یوز اون سکرنجی ماده موجنبجه تجزیه ایدلملرنده اصابت کوریه مامش اولسی مخالف قانون و مستلزم نقض احوالندن بولنش اولمغله اعلام مذکورک اصول محاکات جزائیہ قانوننک اوچیوز اون دردنجی ماده سی حکمنه توفیقاً نقضه واحکام قانونیه دائره سنده ایقای معامله اولمق اوزره اوراقنک محله اعاده سنه وایکی یوز غروش نقض خرجنک ایلروده حقسز حقیقه جق طرفندن تحصیلنه ۱۱ تشرین ثانی سنه ۳۲۹ تاریخده متفقاً قرار ویرلدی .

حکمه تمیز جزا دائره سنده صادر اولاره ۳۰ تشرین ثانی سنه ۳۲۹ تاریخ ۳۷۶۶ نومرولی اعلام صوریندر :

« وکیل مدافعنک مدافعه سنک جوابسز براقلمسی . یولسزدر »

خداوندکار ولایتی استیناف محکمه سی جزا دائره سندن تنظیم واعطا قلنان ۸ ذی القعدہ ۳۳۱ و ۲۶ ایلول ۳۲۹ تاریخلی و اوچیوز اوتوز سکرنجی نومرولی اعلام ایله اوراق متفرعه سی باش مدعی عمومیلک مأموریت علیه سندن ۸ ذی الحجه ۳۳۱ و ۲۶ تشرین اول ۳۲۹ تاریخلی و اوچ بیک بش یوز التمش الی نومرولی تبلیغنامه ایله محکمه تمیز جزا دائره سنه تودیع ایدلمشدر .

اعلام مذکورک خلاصه مالی اوچیوز یکرمی سکرنجی سنه سی مایسنک یکرمی یدنجی کیجه سی بروسه نک کولجک قریه سندن صادق اوغلی مصطفی پهلوانی قتل قصدیه جرح ایلدکری ادعا قلمسندن دولای جنایتله اتهام اولنان قریه مذکورلی محمود اوغلی محمد و صالح چاوش اوغلی محمد امینک محکومیتلرینه دائر مقدما ویریلان اعلام عندالتمیز نقض ایله اعاده قلمسی اوزره اخیراً اجرا قلنان محاکمه لری نتیجه سنده متهمان مرقومانک قتل قصدیه جرح مذکور جرائتلی شهادت واقع و ضبط ورقه سی وطیب راپوری مندرجاتی و امارات سائر ایله ثابت اولدیغندن من غیر تعمد قتله تشبث فعلنک فاعلی اولمق اوزره مجرمیتلرینه و حرکتلرینه تطابق ایدن قانون جزانک قرق التنجی و یوز یتش دردنجی ماده لرینه توفیقاً بعدالتشهر یدیشر بچق سنه مدته کورکه قوللرینه ۱۹ اغستوس ۳۲۹ تاریخده حکم اولدیغندن عبارتدر .

محکوملرک وکیل مصطفی نوری امضاسیله ویریلان لایحه ده مدافعان واقعه لرله متهملرک لهنده کی شهادتک مجرمیت قرارنده اسباب موجب سیله رد ایدلمدیکنه و نقضائی تدقیقاته دائر اعتراضات سردیه اعلامک نقضی استدعا قلمشدر .

سالف الذکر تبلیغنامه ده دخی لایحه ده سرد اولنان اعتراضات مندرجات اعلامه نظرراً غیر وارد اولدیغندن ردی و دعوائی مذکورده نک صورت جریان محاکمه سیله قانونه تطبیق حقنده اعتراضه محل کوریه مدیکندن بختله ده اعلامک تصدیق طلب اولمشدر .

اوراق دعوی بعدالمطالعہ تدقیقات تمیزیه اجرا اولندقدہ معاینه راپورنده مجروحک یاره لری بشقه بشقه سلاحندن حاصل اولدیغنه دائر بر صراحت بولنامسنه و متهملرک انداخت ایلدکری سلاحلردن هانکیسنک قورشونی مدعی به اصابت ایلدیکی حقنده مدعینک واقع اولان افاده سی مؤید شهادت و اخبارات دخی موجود بولنامسنه نظرراً فعل جرمک متهملردن هانکیسنک انداخت ایلدیکی حقته دن خروج ایدن قورشوندن حاصل اولدینی حقنده عندالذاکره بیان رأی و مطالعه اولمسی لازمکلورکن بوجهت نظره آلتامش اولدینی کی وکیل مدافعک یوز سکسانجی ماده قائمه یه تطبیق کیفیت اولمسی یولسنده کی مدافعه سی دخی جوابسز براقلمش اولدیغندن اصول محاکات جزائیہ قانوننک اوچیوز اون دردنجی ماده سنه توفیقاً اعلام اخیرک دخی نقضیه احکام قانونیه دائره سنده ایقای معامله اولمق اوزره اوراقنک محله اعاده سنه وایکی یوز غروش نقض خرجنک ایلروده حقسز حقیقه جق طرفندن تحصیلنه ۱۰ تشرین ثانی سنه ۳۲۹ تاریخدن متفقاً قرار ویرلدی .

حکمه تمیز جزا دائره سی قرار

حکمه تمیز استدعا دائره سنده صادر اولاره ۱ تشرین اول سنه ۳۲۹ تاریخ ۱۹۴۷ نومرولی اعلام صوریندر :

« جلبنامه زیرنده اسماعیلی مجرر شاهدلرک ضابطه معرفتیه تحری ایدلمکسزین افاده مضبوطه لرینک قرائتیه اکثفا ایدلمسی نقض حکمی مستلزمدر »

حلب ولایتی استیناف محکمه سی جزا دائره سندن تنظیم واعطا قلنان ۶ جزیران ۳۲۹ تاریخ و بشیوز سکسان الی نومرولی اعلامک تمیزاً تدقیقی مستدعی صالح بن خلیل و برکان بن اسماعیل و محمد بن اسماعیل و عویدالکردی جانبندن مشترکاً معطی استدعانا مه ایله اوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دائره سنه تودیع اولمش ولدی التدقیق مذکور استدعانا مه نک مدت قانونیه سی ظرفنده اعطا و شرائط لازمه سائر سنک دخی ایفا قلندینی اکلاشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی حاجی محمدک اشیاسنی سرقت ایتدکری ادعاسیله مظنون علیهم اولان خلیل الصالح و اوغلی و طرفه الحماده و برکان الاسماعیل و اوغلی محمد ایله عویدالکردینک تحدید جزالینه دائر بدایه لاحق اولان حکمک عندالاستیناف تصدیقی حاوی عن الغیاب صادر اولان اعلام علیهنده مظنون مرقومون جانبندن وقوعبولان اعتراض اوزرینه حکم ابتدائی مذکورک محل اقامتلی مجهول ایدوکی ناملرینه ترقیم و املا قلنان جلبنامه زیرنده مرقم اولان شاهد حسین ایله حمود العینک ضابطه معرفتیه تحری

ایدلکسزین افاده مضبوطه لرینک قرائتیه اکتفا ایدلمش اولسی نقطه سندن فسخیه سبق ایدن تدقیقات نتیجه سنده مضمونلر طرفندن شهود مستمه حقنده درمیان ایدیلان طعنک اخیراً تعلیق اولنان یوم محاکمه ده مضمون مرقومونک عدم اجابتدن بحثه طعن واقعک ردیه مضمون مزبورونک فعل مذکوره جرأتلری محل اقامتلی مجهول اولوب افاده لری قرائت اولنان شهودک شهاداتی ایله ثابت اولسندن ناشی قانون جزانک ایکویز یکریمی ایکنجی ماده سی حکمنه بویقاً التیشر ماه حبس لرینه قرار ویرلدیکنی متضمندر .

تمیز استدعایه سنده محکمه استینافیه جه اخیراً تعلیق اولنان یوم محاکمه ده کندولرینه اصولی دائره سنده تبلیغات اجرا اولمדיغه و حکم ابتدائیک فسخی اوزرینه شهود حقنده درمیان ایدلکاری طعن نظر دفته آلمدیغه دائر اعتراضات سردیه اعلام استینافیک نقضی استدعا قلمش و تبلیغ نامه ده دخی مذکور استدعایه ده درمیان اولنان اعتراضاتک مندرجات اعلامه نظراً غیر وارد کورلدیکی بیانیله ردی لزومی کوسترلمشدر .

ایجابی لدی المذاکره مندرجات اعلامدن منضم اولدیغی وجهله محکمه استینافیه جه مضمون صالح ایله رفقاسی حقلرنده کی حکم ابتدائی محل اقامتلی مجهول ایدوکی ناملرینه ترقیم و املا قلنان جانباه زیرنده مرقم اولان شاهد حسین ایله حمودالعلینک ضابطه معرفتیه تحری ایدلکسزین افاده مضبوطه لرینک قرائتیه اکتفا ایدلمسی کبی واقع اولان خطیاته بناء فسخ ایدلمش اولدیغی حالده اشبواسباب فسخیه ایجاباتی دائره سنده ایفای معامله لزومندن ذهول اولنسی و برده برنجی یوم محاکمه ده حاضر بولنش اولان مضمونلر طرفندن شهود مستمه حقنده تعیین ماده صورتیه درمیان ایدیلان طعنک تدقیقی لزوم قانونیسه قارشو بالاخره تعلیق ایدیلان یوم محاکمه ده مرقومونک عدم اجابتدن بحثه طعن واقعک تدقیق ایدلمسی یولسز و مستلزم نقض اسبابدن اولوب تمیز استدعایه سی مؤدای بو وجهله وارد و بجا کورلمش ایدوکندن اصول محاکمات جزائییه قانوننک اوچوز اون دردنچی و اوچوز اون طقوزنجی ماده لری منطوقجه اعلام استینافیک مستدعیله عائد فقره حکمییه سنک اسباب محرریه بناء نقضیه احکام قانونیه دائره سنده ایفای معامله اولنق اوزره اوراق دعوانک محله اعاده سنه و ایکویز غروش اعلام خرجنک تعرفه و تعلیمات مخصوصه سی موجبجه ایلروده حقسز چیه حق طرفندن استیفاسنه ۱ تشرین اول ۳۲۹ تاریخنده متفقاً قرار ویرلدی .

محکم تمیز استدعا دائره سنده صادر اولره ۸ تشرین اول سنه ۳۲۹ تاریخ و ۱۷۷۰ نومرولی اعلام صوریه:

« تبلیغ قانونی »

خداوندکار ولایتی مرکز بدایت محکمه سی برنجی جزا دائره سندن استینافاً تنظیم واعطا قلنان ۱۱ حزران سنه ۳۲۹ تاریخ و ۲۶ نومرولی اعلامک تمیزاً تدقیقی مستدعی محکمه مذکوره مدعی عمومیلکی ایله محمد رشدی افندی طرفلرندن معطی ایکی قطعه استدعایه ایله اوراق متفرعه سی باش مدعی عمومیلک مأموریت

علیه سندن با تبلیغ نامه محکمه تمیز استدعا دائره سنه تودیع اولنغله لدی التدقیق مذکور استدعایه لره مدت قانونیه سی ظرفده اعطا ومومی ایله محمد رشدی افندی جانبندن شرائط لازمه سائرهنک دخی ایفا قلندیغی اکلشلمش ایدوکندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مائی محمد اغا کریمه سی فاطمه بی ضرب ومختار وصفی افندی بی تحقیر واطاله لسان ایتسندن طولای تحدید جزاسنه دائر غیاباً ویریلان اعلام علیه سنده مستدعی محمد رشدی افندی جانبندن معطی اعتراض استدعایه سنک ردی حای بدایه لاحق اولان حکمک تصدیقه متدائر مقدما تنظیم واعطا قلنان اعلام استینافیک عندالتمیز اسباب قانونیه دن ناشی نقض واعاده اولنسی اوزرینه بالاتباع بو کره اجرا قلنان محاکمه و تدقیقات استینافیه نتیجه سنده تبلیغ علو خبرینک اعلام غیابی بی تبلیغ ایدن شخص طرفندن غیر مضمی بولنش اولسی نقطه سندن اعلام ابتدائیک فسخه و انحق اعلام غیابینک محکومک قائم والده سنه تبلیغ ایدلکی مشروحاتنه وسواری مباشریه محکمه باش کاتبنک تصدیقه بناء تنفیذاً للحکم حبسه کوندردلن صکره لاحق اولان حکمه مطلع اوله رق تخلیه سیل استدعاسنی ویردیکنی آنده اعتراض ایتسی لازم کلورکن اعتراض استدعایه سنک مدت قانونیه نک مرورندن صکره ویرلدیکی اکلشلدیغندن بحثه ردینه قرار ویرلدیکنی متضمندر مدعی عمومینک لایحه تمیزیه سنده محکوم مومی الیهک تخلیه ایدلکدن صکره مندرجات اعلامه مطلع اولدیغی اکلشلمسنه نظراً اعلام غیابینک بعدالتخلیه کندوسنه تبلیغ اولنوب اولمادیغنک و تبلیغ اولنش ایسه تاریخ تبلیغک تدقیقی لازم کلورکن بو جهتک نظر اعتباره النامسی ومحمد رشدی افندینک لایحه سنده دخی اعلام غیابینک کندوسنه تبلیغ اولمادیغی کبی تبلیغی حقنده اعطا ایدلکی استدعا تاریخنک مبدأ اطلاع عدیه تاریخ مذکوردن اعتباراً مؤخرآ ویردیکنی اعتراض علی الحکم عرضحال تاریخنی اراسنده کچن مدتک بالحساب مدت قانونیه نک مرورندن بحثه مذکور عرضحالک ردی جهتنه کیدلمسی مغایر قانون ایدوکندن بحثه اعلام اخیر استینافیک دخی نقضی استدعا اولنش و تبلیغ نامه ده دخی محکوم علیه جانبندن معطی لایحه تمیزیه ده سرد اولنان اسباب نقض واقعه اتباع ایله اعطا قلنان اعلام میزبه مندرجاتنه نظراً غیر وارد و اعلام میزبه مندرجاتی اصول وقانونه موافق کورلمش اولدیغندن ردی و اعلام مذکورک تصدیق ومدعی عمومیلکک تمیز دعواسی حقنده دخی تدقیقات قانونیه لدی الاجرا نقض واقعه تبعاً اجرا قلنان محاکمه ده اعلام غیابینک علی الاصول محکوم علیه تبلیغ ایدلمش اولسنه بناء حکم ابتدائیک فسخه قرار اعطا اولندیغی حالده یکیدن تبلیغات اجرا اولنوب اولمادیغنک تدقیقندن بالذهول اعتراض استدعاسنک ردینه قرار ویرلمسی یولسز و لایحه تمیزیه ده بوخصوصه متدائر سرد اولنان اعتراض وارد و مستلزم نقض ایدوکی بیانیله اعلام میزبهک بو سببدن ناشی نقضی لزومی کوسترلمشدر .

ایجابی لدی المذاکره غیاباً لاحق اولان مقررات ابتدائی علیه تاریخ تبلیغدن اعتباراً تابع اولدیغی مدت داخلنده قیدییه سی ایفایتدیریلان اعتراض عرضحالینک اولبایده کی احکام قانونیه ایجابجه ردی لازمه دن

ایسده مظنون محمد رشدي افنديك تحديد جزاسی متضمن اولان حکم غیابی استینافی اعلامك تبلیغی مشعر اولان تبلیغ علم و خبرینك اعلام منبوری تبلیغ ایدن کسه نك امضا و مهرینی حاوی اولمادیکی کبی یازی بیلمدیکی و یا خود امضادن استنکاف ایلدیکی صورته کوره اتخاذ و اجرایی لازم کلان معاملات تصدیقه دن دخی عاری بولمسی اعتباریه تبلیغ واقعك تعریفات قانونیه یه عدم موافقتدن ناشی مظنونك ذاته تبلیغ قانونی مثبت بولمادیغه و اصول محاکات جزائیة قانونك یوزتمش برنجی ماده سنك صوك فقره سنده اکر حکم غیابی اعلامی محکوم علیهك ذاته تبلیغ اولنماش اولور و یا خود حکمك اجراسندن خبردار اولدینی ثابت اولماز ایسه جزانك مرور زمانله سقوطی ایچون معین اولان مدت قانونیه نك انقضاسنه قدر اعتراض استدعاسی قبول اولنور دینلمش بولمسنه منبی اعتراض عرضالنك قبولی لازم کلورکن محکمه استینافیه جه احوال مسروده نظر دقته المنقسنین بروجه محرر اتخاذ قرار اولمسی یولسز اولوب لایحه تمیزیه مؤداسی تبلیغنامه ده دخی کوسترلدیکی اوزره بو وجهله وارد و بجا کورنمش ایدوکندن اصول محاکات جزائیة قانونك اوچوز اون دردنجی و اوچوز اون طقوزنجی ماده لری منظوقجه اعلام اخیر استینافینك دخی اسباب محرریه بناء نقضیه احکام قانونیه دائره سنده ایفای معامله اولمق اوزره اوراق متعلقه سنك محکمه مذکوریه و تمیز جزای نقدیسی اوله رق مقدما محلی مال صندوقه تودیع اولنان بش لیرانك اصول مذکورك اوچوز قرق اوچنجی ماده سی موجبجه مستدعی محمد رشدي افندي یه اعاده سنه و ایکی یوز غروش اعلام خرجك تعرفه و تعلیمات مخصوصه سنه توفیقاً ایلروده حقسنر چیقه جق طرفدن استیفاسنه ۸ تشرین اول ۳۲۹ تاریخده متفقاً قرار ویرلدی.

محکمہ تمیز استعداده سنده صادر اولره ۲۱ تشرین ثانی سنه ۳۲۹ تاریخ ۱۳۹۰ نومرولی اعلام صورتیه:

« مسئله مستأخره »

کنج سنجاش بدایت محکمه سی جزا دائره سنندن استینافاً تنظیم واعطا قلنان ۱۱ ایلول سنه ۳۲۸ تاریخ و طقسان طقوز نومرولی اعلامك تمیزاً تدقیقی طلبنی حاوی محکمه مذکوره مدعی عمومی معاونلکی ایله مدعی شخصی علی اغا طرفلرندن معطی ایکی قطعه استدعانا مه ایله اوراق متفرعه سی باش مدعی عمومیلک مأموریت علیه سنندن باتبلیغنامه محکمه تمیز استدعا دائره سنه تودیع اولنش ولدی التدقیق مذکور استدعانا مه لرك مدت قانونیه سی ظرفنده اعطا و علی جانبندن شرائط لازمه سائر سنك دخی ایفا قلندیغی آکلاشلمش ایدوکنندن بالقبول تدقیقات تمیزیه اجراسنه ابتدار اولندی.

اعلام مذکورك خلاصه مالی مستدعی علی اغانك بالطله لغندن افاج قطع ایتدکلری ثابت اولان مصطفی وقاسم ایله معلوم الاسامی رفقاسنك تحديد جزالینه دائر بدایة لاحق اولان حکمك محکوملر جانبندن استیناف

اولمسی اوزرینه اولبابده اجرا قلنان محاکمه و تدقیقات استینافیه نتیجه سننده حکم مذکورك فسخیله مدعی مرقوم علی اغانك محل مدعاهك تحت تصرفنده اولدیغه دائر ابراز ایلدیکی حجت تزویر و تصنیع دن غیر سالم کورلمسنه و بناء علیه حاصل اولان مسئله مستأخره نك حقوق محکمه سنجه حل و فصل اوله رق تبین ایده جك حاله کوره بعده جهت جزائیة جه ایجابنه باقلمسنه قرار ویرلدیکی متضمندر.

مدعی عمومینك لایحه تمیزیه سننده محکمه استینافیه جه حکم ابتدائینك فسخی اوزرینه احکام قانونیه دائره سننده تدقیقات اجراسیله کال محاکمه اولمسی و علی اغانك تمیز لایحه سننده دخی محل مذکورك تحت تصرفنده اولدیغی شهادات و ابراز ایلدیکی اعلام شرعی ایله ثابت اولمسنه نظراً حکم ابتدائینك فسخته قرار ویرلدیکی حالده حاصل اولان مسئله مستأخره اوزرینه حقسنر اولان طرفك حقوق محکمه سنه مراجعتله اعلام استحصال و ابراز ایتیمی لازم کلورکن بوجهتدن ذهول ایدیلره رك برمنوال محرر قرار ویرلمسی مغایر قانون ایدوکنندن بحث ایله اعلام استینافینك تقضی استدعا اولنش و تبلیغنامه ده دخی مذکور لایحه لرده سرد اولنان اعتراضات مندرجات اعلامه نظراً وارد و بجا ایدوکی بیانیله اعلام مذکورك تقضی لزومی کوسترلشدر.

ایجابی لدی المذاکره اثنای محاکمه استینافیه ده مدعی شخصی جانبندن کیفیت تصرفی ناطق اولمق اوزره ابراز ایدیلان حجت شرعی نك قرائت و مندرجاتنك اعلام استینافی یه درجی لازم کلورکن محکمه استینافیه جه شوصورته توفیق حرکت اولنماغله برابر اشبو حجت شرعی نك ثبوت مدعایه عدم کفایتی اسبابنك دخی بیان و تصریحی لزومندن ذهول ایدلمسی و علی الخصوص طرفین متخاصمینك صورت ادعا و مدافعاته نظراً ایشده حاصل اولان مسئله مستأخره دن دولانی ایجاب ایدن طرفه مهل مناسب اعطاسیله مرجعه سوقی و تدقیقات جزائیة نك دخی اورادن ویریله جك حکمه تعلیق مقضی ایکن شو مراسم قانونیه یه رعایت اولنمایه رق بروجه محرر اتخاذ قرار اولمسی یولسز و مستلزم تقض احوال دن اولوب تمیز لایحه لری مؤداسی تبلیغنامه ده دخی مرقم اولدیغی وجهله وارد و بجا کورنمش ایدوکندن اصول محاکات جزائیة قانونك اوچوز اون دردنجی و اوچوز اون طقوزنجی ماده لری منظوقجه اعلام استینافینك اسباب محرریه بناء نقضیه احکام قانونیه دائره سننده ایفای معامله اولمق اوزره اوراق متعلقه سنك محکمه مذکوریه و تمیز جزای نقدیسی اوله رق محلی مال صندوقه تودیع اولنان بش لیرانك اصول مذکورك اوچوز قرق اوچنجی ماده سی موجبجه مستدعی علی اغایه اعاده سنه و ایکی یوز غروش اعلام خرجك تعرفه و تعلیمات مخصوصه سنه توفیقاً ایلروده حقسنر چیقه جق طرفدن استیفاسنه ۲۳ ایلول سنه ۳۲۹ تاریخده متفقاً قرار ویرلدی.

محکمه تمیز حقوق دائره سنجه تدقیقاتی نتیجه پذیر اولان دعاوی اعلاماتک لیسته سی

اوراق نومروسی	اسامی محاکم	ممیز	ممیز علیه	تاریخ قرار	نوع قرار
۲۹	سیواس استیناف	حسن و رفقاسی	سلیمان	تصدیق ۲۲ نیشان سنه ۳۲۹	
۴۰۶	جانبیک	باهره خانم	شوکت بک	"	"
۲۹	اسکیشهر بدایت	حاجی حسین	مالیه خزینه سی	"	"
۲۲۴	اردو	مصطفی اغا	ابراهیم	"	"
۲۹	ازمیر تجارت	عبدیل افندی	عوادسیان برادر لر	"	"
۳۶۳	ایدین استیناف	سازاویه قریه سی	فاطمه خانم	"	"
۲۹	چوروم بدایت	ذلیخا	عثمان و فاطمه	" ۲۳ نیشان سنه منه	"
۲۲۶	حلب تجارت	شیخلسی	عبدالکریم	نقض	"
۲۹	خویه بدایت	علی	علی وهارون	تصدیق	"
۴۶۴	عجلون	جبر	حسن	"	"
۲۹	کوشخانه	ابراهیم وامق افندی	احمد	نقض	"
۴۵۹	نوشهر	بلدیه اداره سی	اغوب و زوجہ سی	"	"
۲۹	اقشهر	اورمان اداره سی	چشمه قریه سی	"	"
۳۰۳	در سعادت ایکنجی حقوق	استلیانوس	رسومات اداره سی	تصدیق	"
۲۹	قونیه استیناف	نافعه نظارتی	حاجی بکرونیقولا کی	نقض	"
۱۴۵	اسکدار بدایت	شهراماتی	حلیل هاشم بک	تصدیق	"
۲۹	قرتال	کاظم افندی	نیقولا کی	"	"
۵۵					
۳۲۴					

- مابعدی وار -

قانون غیر منقوله

اموال غیر منقوله نك دین مقابلنده تأمینات ارايه سنه دائر قانون موقت حقنده

« مابعد »

شرح : مدت مداینه ختام بولدن مقدم داین ، تأمینات اوله رق آلدینی مالی صائدیروب استیفای حق ایدمهز . واقعا دین ثمن میس و بدل اجاره و بدل متلفات کی قرضک غیر ی جهاتدن منبعث ایسه داین ، اجلی خودبخود ابطال ایدمهیه جکی درکار و بو تأجیل لازم اولدینی آشکار ایسه ده دین ، قرض ایسه آنده تأجیل حکمسنز اولوب داینک اجلدن رجوع ایله الهجفی طلب ایتمک حقنی حائر اولسه بیله هر حالده تأمیناتی صائدیر مق صلاحیتی حائر اولدیغندن اجلی ابطال ایتمسیه الهجغه دسترس اولمهیه جنی درکاردر . حالبوکه داین ، سرمایه سنی دها فائده دار ایشده استعمال ایتمک فرصتی الده ایتمک احتماله مبنی سرمایه سنی استرداد ایدمه بیلیمک آرزوسنده بولنه بیلور .

داین ایله مدیون آره سنده واقع اولوب دینک اجلی مین بولنان مقاوله نك هم احکامی محفوظ قالمق همده داین سرمایه سنی استرداد ایدمه بیلیمک ایچون قانون یکی بر قاعده یی وضع ایدیورکه اوده الهجفی امتیاز ایله برابر آخره دور ایتمک واو آخردن الهجفی آله بیلیمکدن عبارتدر .

داینک بو آلهجفی آخره دور ایدمه بیلیمسی مجله ده مذکور اولان حواله اصطلاحیه مقصور دکدر . بودور وحواله کیفیتی صور ثلاثه ایله یعنی اولاً حواله اصطلاحیه ایله ثانیاً قبض دینه وکالت ایله ثالثاً الهجفی عوض مقابلنده ترک ایلمک ایله اوله بیله جکی قانوندن مستفاد اولور . شمدی بونلری تفصیل ایدمه لم :

۱ - داین احمد افندی ، مدیونی بولنان زید ذمتده تأمیناتی یوز لیرا الاجنی بولنوبده داین مرقوم ، عمرودن اول امرده یوز لیرا استدانه ایتدکدن صکره عمروی مبلغ مزبور یوز لیرا الهجفی ایله زید اوزرینه حواله و تأمیناتی دخی آکا دور و زید دخی بونی قبول ایدر . بروجه مشروح دور دین ، تمامیه حواله اصطلاحیه یعنی حواله مقیده بالین اولور . و بوحواله ، هم مجله همده بوقانون احکامنجه صحیح اولور . وفضله اوله رق بوقانون موجبنجه تأمینات دخی دوراً دینی آلان کیمسه یه انتقال ایدر . بوضورتله داین ، سرمایه سنی

وقت مداینه ختامندن اول استرداد ایتش و داین مرقوم مقامنه عمرو قائم اولمش اولور . و یکی داین بولنان عمرو ، سند مداینهده مندرج احکامی قبول ایتش عد اولنور . مدیونک رضاسی منضم اولدجه یکی داین سند مداینهده محرر شرائطی تبدیل ایده من . شو قدرکه یکی داین اقامتگاهنی آروجه تعیین ایدرک مداینه سندینه ذیل ایدلک لازم کلور . اولکی داینک اقامتگاهنی اعتباردن ساقط اولور .

بوتقدیرده عمرو ، دینک وقت اداسی حلول ایدنجه تأمیناتی صائدیره رق اله جغنی زیددن استیفا ایدر . و دیلر سه عمرو دخی بروجه مشروح بونی آخره دور ایلر . و بودور معامله سی غیر مره صحیح اولور .

فقط بودور معامله سنده زیدک دخی رضاسی شرطدر . زیرا زید ، اولا احمد افندی به بورجلی ایدی . احمد افندی کندیسنی تضییق ایتیوب مساهله ایتک ملاحظه سی موجود و بوصورته زید ، کندی دایتک احمد افندی اولسندن مستفید ایدی . دور واقع سببیه زیدک داین عمرو اوله جق و عمرو ایسه داین اول احمد افندی قدر مساهله کار اولیوب دینک وقت اداسی حلول ایدنجه سندک احکامنی اجرایه توسل و زیدی تضییق ایلک احتمال و ملاحظه سی وارد اوله بیلور . ایدی بودورده زیده ضرر ترتب ایده چکنه مبنی آنک انضمام رضاسنی قانون شرط ایدیور .

۲ — داین احمد افندی ، مدیونی اولان زید ذمتنده بولنان تأمیناتی یوز لیرا اله جغنی دینک وقت اداسی حلولده تأمیناتی صائدیره رق استیفای حق ایلمی خصوصنی داین شخص آخر اولان عمروه حواله ایدر . بوصورتله واقع اولان حواله ، مجلهده مذکور بولنان حواله اصطلاحیه دکلدر . بلکه حواله مطلوبدن یعنی داین ، زید ذمتنده کی الاجغنی قبضه عمروی توکیل ایلمسندن عبارتدر . یعنی برمطلوب ، مقاوله مخصوصه ایله داین طرفندن دیگر برشخصه ترک و حواله اوله بیلور . و تاریخ حواله دن اعتباراً یکی داین — وکیل بالقبض — موکلنک مقامنه قائم اولور . بروجه مشروح اولان دور و حوالهده مدیونک قبول و رضاسی شرط دکلدر . زیرا بوحواله نفس الامرده نقل ذمتدن عبارت اولیوب بلکه قبض دینه وکالت اولدیفندن مدیون و محال علیه بولنان زید ، بورجنی صاحب حقیقیسی اولان داین اوله تأدیه و ایفا ایتک نصل مجبور ایسه یکی صاحبی اولان شخص آخره دخی ویرلمسی اوله جه مجبوردر .

۳ — داین احمد افندی زید ذمتنده بولنان تأمیناتی یوز لیرا الاجغنی عمروه دور و حواله و عمرودن مذکور یوز لیرای اخذ واستیفا ایدرک مبلغ مذکور تأمیناتی یوز لیرای عمروه مال ایدر . بو معامله دینی مدیونک غیرینه تملیک و تعبیر آخرله دینی بدل مقابلنده صائمقندن عبارت اولوب بناء علیه مجله احکامنجه صحیح دکلدر . قانونک بوماده سندن منضم اولدینی اوزره معامله مذکورده قانون قبول و معتبر عد ایدیور . بالاده مذکور اولان صور ثلاثه وجهله واقع اوله جق دور دین و تأمینات قانوناً مقبول اولدینغه مبنی بونلری دور الان شخص ، دور ایدن داین مقامنه قائم اولوب شخص مرقوم ، دینک وقت اداسی حلولی تقدیرند او تنجی مادهده محرر تفصیلات دائره سنده تأمیناتی صائدیره رق الاجغنی برنجی و اوچنجی صورته

کندی نام و حسابنه و ایکنجی صورته موکلنک نام و حسابنه استیفا ایلر . شو قدرکه صورت اولی و ثالثه وجهله اولان دورده مدیونک رضاسی شرطدر . و ایتک اقامتگاهنی اعتباردن ساقط اولور .

مقابلنده رهن ایتش اولان بر دین ، رهن و مرتهن طرفسندن شخص آخره دور و حواله اولدینی تقدیرده مرهون مذکور حواله نقل اولنان دینه مقابل مرهون اوله ماز ایسهده تأمینانده قانون بو صورتی قبول ایدیور .

لکن دین سندی امره محرر و جیرویه قابلیتی موجود اولنجه داین ، بو سندی و تأمیناتی شخص ثالثه جیرو ایده بیلور . بونده مدیونک رضاسی شرط دکلدر . زیرا امره محرر اولان سند ، مدیونک رضاسی اولسنه دخی آخره جیرو اولنجه جی کی تأمینات مذکوره دخی مذکور دینه عائد اولدیفندن طوکل حاملنک مدیوندن طلب دینه صلاحیتدار اولدینی مثللو تأمیناتدن دخی استیفای حق ایتک حق وارددر .

ماده : ۸

سندوات مضدقیه مربوط دین ایله متفرعاتی وقت معینک حلولدن اول تسویه خصوصنده مدیونلر مختاردر . بوخالده اساس دین ایله برابر ضرر و زیان اوله رق بر مقدار مبلغک تسویه سی شنده مشروط ایسه او دخی داین حسابنه دفتر خاقانی اداره سی نامه حکومتجه طائش مؤسسات مالیه دن برینه تماماً تسلیم و آله جق مقبوض سندی تودیع اولدیفنده مذکور اداره لرحه کیفیت دایه تبلیغ و معامله فکیه اجرا اولنور . اسباب موجهه : مدت مداینه ک انقضاسندن اول دینک تسویه سی امرنده مدیونلر حق اختیار کوسترلمسی و فاء فراغ اولان اموال غیر منقولده مدت منقضیه اولوبده مدیون بورجنی تسویه ایتک ایستدیک و دایتده استیفای مطلوب ایله فک رهنه بلاسبب مشروع یناشمدیکی حالده دفتر خاقانی اداره لرحه معامله مقابلده اجرایی حقیقه ۲۹ خزان ۳۱۶ تاریخلو و سکسان اوچ نومرولی تذکره سامیه ایله تبلیغ اولنان شورای دولت تنظیمات دائره سی قرارینه بناء جریان ایدن اصولک تأمینات خصوصنده دخی تطبیق لزومنه منیدر . آنجق اشبو قرار ایجابجه کرک مدت مداینه ک انقضاسنده و کرک انقضاسندن اول واقع اولان مراجعات اوزرینه استیفای مطلوب ایله فک رهن ایتک اوزره دفتر خاقانی اداره لرحه تعیین مدتله دایتلر دعوت ایدلکده و موافقت اولدینی صورته تقریرلرینه استناداً و تمرد حالنده سند مداینهده مندرج شرائط تأمین ایدلک صورتیه طوغریدن طوغری به معامله فکیه اجرا قلمقده ایسهده دایتلردن بعضیسنک فضله فائز الملق و یا بعض منافع غیر مشروعه تأمین ایتک مثللو آماله بناء اقامتگاهنی تحویل طریقیه معامله تبلیغیه بی اشکال ایلمسی و یا خود اقامتگاهلری معلوم اولماق ملاسبه سیله معامله تبلیغیه ک اعلان صورتیه اجراسنه مجبوریت حاصل اولمشی مثللو احوال دن طولانی مدیونلرک حقوقی مختل اولمقده ایدوکی بالتجربه تحقیق ایلدیکندن و مداینه معاملاتنده سند رسمی محتویاتی معتبر بولمق حسیله دایتلرک سندوات مذکوره خارجنده برکونه طلب و اداعه

بولمغه صلاحيتلى اوله ميه جغندن تأمينات معاملاتنده بويولده مراجهتلى اوزرينده معامله فكيه نك طرغريدن طوغرى يه ايفاسى وداينلره معلومات اعطاسيله اکتفا اولمى مناسب مطالعه قلمشدر .
شرح : بوماده قانونيه ايله ماده آتیه هم داینه همده مديونه حقوق متقابله يي تأمین ايدیور . شویله که مدت مداینه ختام بولدیغی حالده مديون ايفای دین ایلسه دفتر خاقانی اداره لری تأمیناتی صاتوب دینی داینه ايفا ایدرلر . وبالعکس مدت مداینه ختام بولدیغی ومديون بورجی تسويه ایدرک تأمیناتی استخلاص ایتک یاخود تأمینات صاتیولوده بورج ايفا ایدیلرک فائضدن وارسته قالمق ایستدیکی حالده داین ترمرد ایتسه مديون بورجی تماماً عثمانلی بانقه سینه یاخود امنیت صندیغه دفتر خاقانی اداره لری نامه تسلیم ایدرک آله جنى سندی دفتر خاقانی اداره سینه تودیع ایتدیکنده دفتر خاقانی اداره لری تأمیناتی فک ایدرک جکلری کبی مديون ، تأمیناتک صاتلسنی طلب ایتسه دفتر خاقانی اداره لری دخی مرهونی صاتهرق بدلای داین نامه بالاستیفا مديونی بورچدن وفضله فائضدن قورتارلر .

داینه عائد اولان براله جنى آنک انضمام رضایى اولمقسىزین دفتر خاقانی مأمورلرینک قبض ایدرک ماملری لازم کلورسه ده داینک ترمردی حسیله قانون دفتر خاقانی مأمورلرین داین مقامنه اقامه ایدرک بولرله حق استیفاي بخش ایلشدر .
کرک مديوندن نقداً استیفا ایدیلان وکرک تأمینات صاتیله رق آلان مبالغ دفتر خاقانی اداره لرنده عیناً وقانونک تعیین ایلدیکی محله محفوظ بولندقه امانت حکمنده در . بناء علیه بالاعتدولاقصیر تلف ویا ضیاعی تقدیرنده خساری داینه عائد اولوب دفتر خاقانی اداره لری مسؤل اولیه جکلری کبی داین ، مديوندن تکرار استیفا ایتک صلاحیتی اوله ماز .
عیناً محفوظ بولندقه قیدینک سبی شودر : دفتر خاقانی اداره لری شاید بومبالغی دولته عائد یاخود دیگر داینلره راجع مبالغ ايله خلط یاخود استهلاک ایتدکلرندن صکره بالاقرار محافظه ایتککه باشلاسه لرد صکره تلف یا ضایع اولسه دفتر خاقانی مأمورلرینه ضمان لازم کلور .

فقط قانون اون برنجی ماده ده داینلردن مراجهت ایتیلرله عائد مبالغ دفتر خاقانی اداره لری طرفندن اصحابی نامه حکومتجه طائمش مؤسسات مالیهدن برنده تمیه ایدیلرک جکنی بیان ایتکده اولدیغندن داینلردن مراجهت ایتیلرله عائد حصه ي وزنده اوزون مدت توقیف اولنه ماز .
مؤسسات مذکوریه تسلیم ایتک ممکن اولان برزمانده تسلیم ایتککه مجبو وعکسی حالده مسؤل اولورلر . مارالذکر حقوق متقابله وفاء فراغده ذاتاً مرعى ایدی . شویله که وفاء مفروغ ختام مدتده دفتر خاقانی اداره لری طرفندن صاتیله رق داینک آله جنى تسويه اولنوردی . بومعامله ۷ صفر ۱۳۰۸ تاریخلواراده سنییه مستددر . وبالعکس مدت مداینه ختام بولمشیکن داین ترمرد ایدرک آله جنى بالاستیفا فک رهنه یناشمدیغی

حالده دفتر خاقانی اداره لری دینی تماماً بالاستیفا وفاء فراغی فک ایلر . بو معامله دخی ۲۹ حزیران ۱۳۱۶ تاریخلو شورای دولت تنظیمات دائره سنک قرارینه مستددر .
فراغ بالوفاده مرعى بولان بالاده کی حقوق متقابله تأمینات صورتنده دخی بوقانون موجبجه مرعى الاجرا طوتلشدر .
براعلام ، دائره اجراجه تنفیذ ایدلک اوزره مديونک محجوز اموالک صاتلسنی لازم کلدکده مديونه اول امرده بااخطارنامه بیان کیفیت ایدلکدن صوکره صاتیلحق احکام موضوعه مقتضیاتندن اولدیغی کبی وفاء مفروغک برای دین صاتیللمسی اقتضا ایتدیکی تقدیرده دفتر خاقانی اداره لرنجه اول امرده مديونه اخبار کیفیت ایدلکدن صکره مديونک مراجهتی اوزرينه فک تأمینات خصوصنده دخی داینه اخبار کیفیت ایدلکدن صوکره معامله فکیه نك اجرا ایدلسی طرفینک حقوقه متساوی اولمى موجب اولق نقطه سنده موجب فائده اوله جنى مثللو داین ايله مديون آره سنده بشقه جه بر معامله بولنق احتمالی دخی موجود اولدیغنه وداینک آلاجهنى دفتر خاقانی اداره سنک اخذ واستیفا ایلسی اونک علیهنده برتصرف اولوب بوکا راضی اولیه رق استیفاي دین ایچون بالذات حاضر اولمى دخی وارد خاطر بولندیغنه کوره مديونک مراجهتی اوزرينه معامله فکیه اجرا ایدلدن داینه اخبار ایدلک لابد ایدی . حالبوکه اسباب موجبیه کوره اوله معامله فکیه اجرا و صکره ده داینه کیفیت انبا اولنور .

مع ذلك ماده قانونیه ده «کیفیت داینه تبلیغ ومعامله فکیه اجرا اولنور» دنیلرک تبلیغک تقدیم ایدلمسندن اولجه تبلیغ و صکره ده فک ایدلسی لازم کله جکی استیبا اولنه ییلور .
مديونک وقت معینک حولندن اول تسویه دین ايله فک تأمینات ایدرک ییللمسی اوله دینی ثانیاً وقت معیندن اول تسویه اولدیغی حالده شوقدر مبلغ ضرر وزیان اولق اوزره ویرلمسی مشروط ایسه بومبلغی تأدییه ایللمسی لازم کله جکنی قانون بیان ایدیور .

یعنی مقاوله سنده دین اوچ یوز لیرا اولدیغی و مدت مداینه ایکی سنه اوله جنى و فقط مدت مداینه دن مقدم مديون ايفای دین ایدرک اولسه الی لیرا فضله اوله رق ضرر وزیان اوله رق داینه ویرلمسی لازم کله جکی محرر ایسه وقت معیندن اول تأدییه دین ایتک ایستیان مديون اوله اوچ یوز لیرای ثانیاً بونک زمان آدییه دکین فائضی ثالثاً ضرر وزیان اولان الی لیرای ویرمک لازم کلیدور .
حالبوکه قوانین موضوعه ایجابجه تقوده متعلق ضرر وزیان یالکیز فائضدن عبارت ایکن بو ماده ده آیریجه ضرر وزیان ویرلمسی لازم کله جکی بیان اولمى مذکور قانونلر احکامیه قابل توفیق دکلدر . وماده قانونیه ده کی ضرر وزیانک فائضه حملنه دخی عبارة قانونیه مساعد اوله ماز .

ماده : ۹

مدت مداینه منقضى اولوبده دین ايفا ایدلدیکی ویا سندده مندرج بر شرط انقضاخینک تحقیقه دین

معجل جاني اکتساب ابلديکي تقديرده دايملرک ويا وازيرلرک و مکرر تأمیناتده داین اول طرفندن تشبث ایدلماش ایسه درجات تالیده بولنان داینلردن برینک مراجعتی اوزرینه مدیون وفات یا افلاس ایتیش و احباب انتقالدن کمنه می بولنماش اولسه بیلکه برکونه حکم وقرار استحصاله وترکیده یاخود افلاس ماصه سنه مراجعته حاجت اولمقیزین تأمینات اراه ایدلماش بولنان محل ، دفتر خاقانی اداره سی جانبندن اول دین ایچون ماده آتیه موجبجه فروخت ایدیلور .

اسباب موجبجه : فارشوق طوتلقلری دینک تسویه سی ایچون تأمینات کوسترلش اولان محللرک دفتر خاقانی اداره لرجه طوغریدن طوغرییه صاتیله جقلری تصریح ایدلشدر . بو معامله وفاء فراغ اولنوبده ختام مدتده تأدییه دین ایدلیان املاک و اراضینک واقع اوله جق مراجعت اوزرینه دفتر خاقانی اداره لری طرفندن بالمزایده صائلی حقنده شورای دولت و مجلس مخصوص وکلا قرارلریله ۷ صفر سنه ۳۰۸ تاریخنده شرفصادر اولدیغی تبلیغ اولنان اوده سنیه منظوقه تطبیق مصلحت مقصدیه درج اولمش وشوقدرکه تجارب واقعیه بناء بعض تعديلات اجراسنه لزوم کورنمشدر .

شرح : قوانین عمومیه کوره قاعده شوقدرکه جبراً اجرا وتنفیذ اولنه بیللمک قوت وماهیتنی الحق محاکدن صادر اولان اعلامات حازدر . سندات وتعهدات حکمه اقترا ایتدکجه تنفیذ واجرا اولنه ماز .

بناء علیه داین ، مداینه بی ناطق حجت شرعیه بی یاخود مقاولات محرز لکندن مصدق سند رسمی بی یاخود غیر رسمی بی اجرا ایتدیره مز . زیرا سندات رسمی اولسه بیلکه بر حکمی یعنی حاکم قضاسنی حاوی اولمادقن بشقه مدیونک تسلیاتی بولمق کبی مندرجات سندی تعدیل ایده جک مدافعاتی موجود اولمق احتمالی وارددر .

بو قاعده عمومیه دن بعض سندات استثنای ایدلشدر .

۱ — ایتم و اوقافه عائد اموال استقراض ایدیلوبده قرض واقع حجت شرعیه به ربط ایدیلور ایسه دینک وقت اداسی حلونده حجتک ظهرنده بر مقتضا یازیله جق آیروجه حکمه ومرافعه به محتاج اولمدن مذکور حجت اجرا اولنور .

۲ — اعشار التزاماتی مین بولنان مقاولات وسندات اجرا اولنور .

۳ — زراعت بانقوسی طرفندن تأمینات وفاء فواغ مقابلنده اقراض اولنوبده سند به ربط ایدلماش اولان مقاولات اجرا اولنور .

۴ — ایجار مقاوله نامه سنک مدتی منقضي اولنجه تخلیه مأجور حقنده کی حکم مقاوله اجرا ایدیلور .

۵ — دین مقابلنده وفاء فراغ ایدیلان و دین وفراغی ناطق بولنان سندات اجرا اولنور .

۶ — بو ماده موجبجه بوقانونه توفیقاً تنظیم ایدیلان سندات اجرا ایدیلور . بونلرک بروجه مشروح

بلا حکم اجرا اولمش قوائین و نظامات واردات سنیه مخصوصیه مستند بولنمشدر . مع ذلك بروجه مشروح بلا محاکمه مداینه سنداتنک اجرا سندن طولانی مدیون ، حق مدافعه سندن محروم دکلدن . بناء علیه بو قانون وجهله مداینه سندی اجرا اولمش اولسه بیلکه مدیون ، محکمه به بالمراجعه دین واقعیه قارشو تسلیاتی بولندیغی یاخود سندن مداینه فاحش فاضی حاوی اولدیغی ادعا ایله دایندن استردادینی طلب ایدیلور .

بو ماده ده بیان اولدیغی اوزره مداینه سندنک اجرا ایدیلکه بیلیمنی ، مداینه مدتی اقتضا ایش یاخود شرط انفاسخی تحقق ایتیان مدت بر طرف اولمش اولسلیله مشروطدر . بناء علیه هنوز مدت مداینه منقضي اولدیغی کبی شرط انفاسخی دخی تحقق ایتماش ایکن مذکور مداینه سندی اجرا اولنه ماز .

شرط انفاسخی ، سندن مداینه مدیون محرز اولمق لازم کلور . بناء علیه مداینه سندنک کور مدتی اقتضا ایدر . یعنی بو یولده شفاهی بر شرط موجود اولدیغی داین ادعا ایتسه دفتر خاقانی اداره لری بو ادعای نظر اعتباره آله میه جتی کبی سندن مداینه خارجنده داین ایله مدیون آردسندن تعاطی ایدیلان خصوصی برسندده بو مثللو شرط انفاسخی محرز اولسه دخی دفتر خاقانی اداره لرجه بو سند ایله عمل اولنه ماز . حتی مدیون بو جهتی دفتر خاقانی مأمورلری حضورنده اقرار و اعتراف ایتش اولسه دخی وقت مداینه حلول ایتدن مأمورلر ، مداینه سندی اجرا ایده مزلر . داین دیلرسه بوجهت ایچون محکمه به بالمراجعه حل مسئله ایتدیرلمنی اقتضا ایدر .

مداینه سندنک مدتی ختام بولمدن یاخود شرط انفاسخی تحقق ایتدن مداینه سندنک اجرا اولنماش مدیونک حقوقی نوقایه مقصدینه معطوفدر . بناء علیه حلول مدتدن یا شرط انفاسخنک تحققندن مقدم

مدیون ، مداینه نک اجراسنه موافقت ایدرسنه ینه اجرا اولنه بیلور . بو صورتده مدیونک رضاسنی مین بر ضبط نامه تنظیم اولنورق محضر شهودده کنه یسنه قبول و امضا یا تحتم ایتدیرلکدن صکره معاملات اجراییه توسل ایدلمنی لازم کلور .

بو صورتله توسل اولنان معاملات اجراییه صره سنده مدیون ، موافقتدن رجوع ایتسه معاملات اجرایه ییدن کف ایدلمنی لازم کلور . زیرا معاملات اجراییه واقع اولان توسلی مدیونک رضاسنه مبنی اولوب بو اذن ورضا ابتداء لازم اولدیغی کبی انتاج مزایده قیدده دوامی لاید بولنمشدر . فقط معاملات اجراییه ده اختیار اولنان مضارف نظامیه بی مدیونک تسویه ایتیمی اقتضا ایدر .

شمدی شرط انفاسخی بی بر مثال ایله ایضاح ایدلم .

مثلا داین ، تقاسیط عیدیه به ربط ایدلماش وهانکی بر تقاسیط ، معین مدتده ویرلر ایتسه کل دینک معجل صفتی اکتساب ایتیمی یعنی سندن مداینه بیان اولنان تأجیلات باقیه نک حکمستر قالمشی شرطی درمیان

ايدلمكه حاصل اولور . شويلاه كه دين ، مثلا ايكي يوز آلتون وسند مدايتهك صوك اجلي ايكي سنه اولوبده تاريخ سندن اعتباراً برسنه تمامنده اللى التون ودها آلتى آى صكره آلتش التون وباقيسيده ايكي سنه تمامنده ويرلسى و هانكى برتقيط . معين مدته ويرلمز ايسه باقيسنگ معجل حالى اكتساب ايلسى شرطى مدايته سندنده تحرير ايدلمشكن مديون ، برنجى ياخود ايكنجى تقسيطى ياخود هيچ برنجى معين زمانده ويرمى ايسه جمله دين بر موجب مقاوله معجل صفتى اكتساب ايدر . بو صورتده سندنده كي اجلك حلوانه انتظار ايدلمكيزين دايين ، بو سندن دفترخاقانى اداره لرى معرفيله اجرا ايتديره بيلور .

مديونلر ، قانونك بو حكمى نظر اعتباره الهرق تقسيط مشروطه يي تاديه ايتك ايسدكلىزنده دفترخاقانى مأمورلى حضورنده تاديه ايدرك داييك وكذا مديونك يدنده بولنان سندرله تسليمات يازديرلسى وبوتسليمات دى مأمورين مومى اليهمه تصديق ايتديرلسى لازم كلور .

واقعا خارجه اولان تسليمات حد ذاتنده معتبر وبوتسليمات خصوصى ، مقبوض علم وخبرى وياخود يميندن نكولى ايله موقع ثبوت وصولى قابل ايسدهده بو اسباب ثبوتيهك تدقيق و يمينك صورت اجراسى محاكمه يه واتخاذ مقرراته متوقف اولوب بوحق و صلاحيت دفترخاقانى مأمورلرنده موجود اولمدينى كى بو قانونك اونجى ماده سندنده مصرح اولدينى اوزره سنداك تفيدى صره سندنده بو يولده مدعيات ومدافعات سرديله محاكمه مراجعت واقع اولسه دى دفترخاقانى مأمورلى احكام سندنك انفاذى تاخير ايدمه جكلرندن مديونلر ضررديده اولملىز انتاج ايدر .

تأميناتك فكى دينك بالتام تاديه ايدلميله ممكن اوله بيلور .

بناء عليه مديون بورجك قسم اعظمى تاديه ايتسهده باقيده بر مقدار قالسه دايين بو مقدار باقينك استيفاسى ضمننده تأميناتك بيعنى طلب ايديه بيلور .

زيرا دينك هر جزئى تأميناتك رقبه سنه تعلق ايتش اولميسله بر جزئىك اداسيله تأمينات خلاص اولمش اوله ماز .

تأميناتك بر قسمى ايفاي ديونه كافى كورلديكى تقديرده يالكنز كافى مقدار صاتيله رق متباقيسنگ ملك مديونده ابقا ايدلمسى موافق ومناسب اولور .

بو تقديرده تأمينات مثلا ايكي مغازه اولوبده برينك بدلى تاديه دينه كافى كوريلنجه يالكنز اوبرى صاتيلور .

وتأمينات بر عدد چفتلك يا آپارتمان اولوبده نصف شايغك بدلى كافى بولنجه يالكنز نصف شايغ صاتيلور .

بوقسه بو صورتده مثلا چفتلك دفترخاقانى مأمورلى طرفندن بالتقسيم قسم مقرز صاتلق صحيح اولماز .

زيرا تقسيم مبادله جبريه اولوب دفترخاقانى مأمورلرينه بوحق و صلاحيت ويرلمش دكلدر .

بونصفك مشتريسيه مديون آره سندنده مؤخر آراء يا قضاء تقسيم اوله بيلور .

بروجه مشروح تأميناتك نصفى ايفاي دينه كافى ايكن داييك مراجعتى اوزرينه دفترخاقانى مأمورلى بو قانونه توفيقاً كليسى صائسهر بو صائشك بطلانى لازم كلز .

بناء عليه مديون ، مشتريسندن نصفى استرداد ايدمه جكى كى دفترخاقانى مأمورلر دى مسئول

ايدمهز .

زيرا حكم قانونك اطلاقدن بونك جوازي مستفاد اولمقده اولوب جواز قانونى ضمانه منافيدر م داييلر ، درجات متفاوتده بولنق صورتيه متعدد اولدقلى تقديرده برنجى دايين كندى مدت مدايته سنگ ختامنده سندنك حكمك انفاذى طلب ايتمهك حق اولدينى كى ايكنجى داييك دى كندى مدت مدايته سنگ ختامنده كندى سندنك انفاذ حكمى طلب ايديه بيلور .

بو صورتده برنجى داييك طلبده بولنامسى ايكنجى واوچنجى داييلر كى حق طلبلرني اسقاط ايدمهز .

ايكنجى واوچنجى داييلر كى مدتلى اولكى داييك مدتلىن زياده اولور ايسه معامله اجراييده بر كونه مشكلات يوقسهده مثلا ايكنجى داييك مدت مدايته سى اولكى داييك مدت مدايته سندن از اولدينى تقديرده بونده بعض مشكلات ظهور ايديه بيلور .

شويلاه كه مديون ، ايكنجى داييه عين اموال غير منقوله يي تأمينات ارايه ايديه بيلمسى قانوناً معتبر وبونده اولكى داييك انضمام رضاسى غير مشروط اولديغندن ايكنجى داييك مدت مدايته سى مثلا اولكى داييك مدتلىن بر سنه قيصه اولدينى تقديرده ايكنجى دايين بو غير منقولى صائيردينى حالده اولكى داييك آله جنى فقه تحول ايدرك دايين مرقوم نامنه استيفا ايدلمش اولور .

ومديونك اولجه آلدنى قرضدن ارتق بر استفاده سى قالماز .

بوندن صكره اولكى داييك بر سنه لك ربي قطع ايديلهك اولسه آنك رضاسى اولقسرين منفعتى اخلاص ايدلمش اولور .

ومذكور ربح تماماً دايين مرقومه ويرلسه مديون بورجى اوده مش ايكن بوندن صكره دى ربح ويرمك مجبوريتنده بولمش اولور .

حالبوكه ربح قيام دينه متوققدر .

بناء عليه بوندن مديون ، متضرر اوله جنى كى ايفاي ديندن صكره ربحك ايشلدلمسى قوانين موضوعه احكامنه مخالفدر .

شرط انفساخيد دى بو مثلاً مشكلات حقوقيه ظهور ايديه بيلور .

شويلاه كه اولكى داييك سندنده انفساخ مدايته يي موجب بر جهت يوق ايكن ايكنجى داييك سندنده بو شرط موجود اولمغه شرط مذكوره بناء ايكنجى داييك طلبيله تأمينات كوستريلان اموال غير منقوله صائلسه ايكي شخص بيتند ، جريان ايدن بوكى مقاولاتك حكمى آنجق مقاوله ايدنلره انحصار ايدرك شخص ثالثه سازى اولنامسى لازم كلور كن ايكنجى دايين ايله مديون آره سندنده مقاوله اولنان شرط انفساخى اولكى داييه دى سرايت ايدلمش اولمق ضررى حاصل اوله جنى كى بالاده بيان اولنان متضرر دى تولد ايدر .

دها موافق صورت حل بولنجه يه قدر بو مسئلهده بروجه آتى عمل اولنق مناسب اوله جنى ملاحظه اولور .

ايكنجى واوچنجى والى آخره داييلر كى مدايته مقاوله لرنده برنجى داييه مضر اوله جق احكام موجود اولدينى صورتده بوسنداك برنجى داييه مضر اوله جق احكامى اجرا اوله ماز .

مكره برنجى دايين بوكا موافقت ايتش اولسون .

درجات تاليه داييلرينك مدايته سنداتك احكامك اجراسنى طلب ايتلىز اوزرينه تأمينات كوستريلان اموال غير منقولهك مزايده ايدلمسى لازم كلور سنده نتيجة مزايدهده حائر رجحان بولنان اولكى داييك

اله جعندن فضله برشي قاليه جعي تحقّق ايتديكي تقدیرده دفتر خاقانی مأمورلریك مزایده واحاله دن کف ید ایتلمی لازم کلور. زیرا بوقدیرده مزایده واحاله دن درجات ثلایه دایرلریك برکونه فائده لری اولمیدقندن بونی صاندرمقده صفت قانونیه لری اولمیدنی تحقّق ایتدیکی کی بوقیل اموال غیر منقوله نك صانلی داین اولك حقوقی اخلال واضراره مؤدی اولور. وحکومت مأمورلریك بومثللو فائده سر علی الخصوص آخرك اضرازینه مؤدی ایشلر ایله اشتغال ایتلمی موافق دکلدر.

۱۰ ماده

بر محلك ماده سابقه حکمه توفیقاً فروختی ایچون مراجعت اولندقدده دفتر خاقانی اداره لری طرفدن اول امرده دینك بر هفته طرفنده تسویه سی لزومی اصول محاکمه حقوقیه قانونیه تطبیقاً مدیونه و وفاتی حالده ورثه یا وصیلرندن برینه ویا اقامتگاهلرینه و افلاس ایتیش ایسه سندیکلرینه یا اخطارنامه تبلیغ اولنور. مدت مذکوره طرفنده تسویه دین اولمیدنی تقدیرده قرق بش کون علی العاده واون بش کون دخی یوزده اوچ ضم قبول ایدلك اوزره مزایده وعهده سننده تقرر ایدن کیمسه نامنه طوغریدن طوغری به قطعیا حاله ایدیلور.

و بویولده صاتیله حق محالر عندالایجاب دفتر خاقانی مأمورلری جانندن ارسال اولنه حق مذکره اوزرینه اجرا مأمورلری طرفندن بالتخلیه مفروغ اهلره تسلیم ایدیلور.

مدیونلرک بوبابده برکونه اعتراضلری بولنوبده محکمه به مراجعت ایتیش اولسهر بیله مزایده واحاله وتخلیه معامله لری تأخیر ایدلور. و اوچنجی ماده ده بیاننامه لر خارجنده ایجار دعوالرینه دخی اعتبار اولنور.

شوقدرکه دینك تسویه سندن اول داین افراددن ایسه کفیل واقراضه مأذون مؤسساتدن ایسه تعهدنامه آلتیمنه محکمه جه قرار ویریلوب تبلیغ اولمیدنی صورته او بولده معامله اولنور.

شرح : اعلاماتك صور اجرائیه سی حقنده بعض احکام موضوعه موجود اولوب بونلرک برلی اولای اعلام ایکی نسخه اوله رق یازیلوب برینك محکوم لهه دیگرینك محکوم علیه اعطا وتبلیغ اولمیسندن ثانیلر، براعلام برای تنفید دائره اجرايه تودیع اولندقدده ایفای دین ایتیمی خصوصی مدیونه اخطارنامه ایله بیان اولمقدن، صکرده اموالی حیز وفروخت ایدلکدن عبارتدر.

بوقانون مارالدکر ایکی شرطی استکمال ایدلک سنداتك اجرائی احکامی اعلاماتك تنفیذنده لابد بولنان احکام و شرائطه تقریب ایدلشدور. شویله که سندن مدینه ایکی نسخه یازیلورق بری دایته دیگر بیلده مدیونه ویرلمسی دردنجی ماده ده شرط اتخاذ اولمیدنی کی بوماده ده دخی مدیونه اخطارنامه اسطارینی شرط اتخاذ ایلشدور.

بوماده ده بیان اولمیدنی اوزره اصول محاکمه به تطبیق اولنه حق جهت اخطارنامه نك صورت تبلیغنه

منحصر اولوب بوکا دائر کرک اصول محاکمه ده کرک ذیلنده تفصیلات لازمه موجود بولمغله صورت تبلیغنه بونلرک احکامنه تمایله مراعات ایدلك لازم کلور.

اخطارنامه اسطار یاخود اصول محاکمه و ذیلی احکامنه توفیقاً تبلیغات اجرا اولمندن اموال غیر منقوله نك مزایده وفروخت ایدلمسی جائز دکلدر. شاید مزایده وفروخت اولنور ایسه مدیون، بومعامله یی کان لم یکن عدیه اموال غیر منقوله سنی مشتریدن استرداد ایدیلور. زیرا دفتر خاقانی مأمورلری مدیونه عائد بولنان بو اموالی فروخت ایدیلملری قانونك ویردیکی صلاحیته مبنی اولوب قانونده بیان اولنان قید و شرطه موافق و مطابق بولنمیان تصرفلری حکم قانون مقتضاسی اولیوب بلکه فضولی بر تصرف اولور.

معاملات اجرائیه نك قانون اجرايه توافقی ایتمامسندن طولانی مدیونه ترتب ایدن ضرر وزیانی مدیونك اشتکا عن الحکام طریقله رئیس اجرادن ادعایه حق اوله جعی قوانین موضوعه ده مصرح ایسه ده دفتر خاقانی مأمورلری حکامدن معدود اولمقدارندن مدیون، بونلردن بوکی مدعیانده بولنه میه جعی جهتله مدیون دخی حق استرداد ای اولسه مدیونك حقوقی هدر ایدلمش اولور.

مدیون، بروجه مشروح عقاری مشتریدن استرداد ایتدکده دخی تماماً ایفا ایدنجه اوعقاری استخلاص ایتیش اوله جعی کی دخی ادا ایتدیکی تقدیرده شرائط قانونیه دائره سننده یکیدن اخطارنامه تبلیغ ایدلکدن صکره مزایده اولمقی لازم کلور.

مدیونك وفاتی حالده ورثه یا وصیلرینه اخبارنامه تبلیغ اولنه جعی بیان اولنور. مدیونك وفاتی حالده ورثه سی کرک جمله صغار و کرک جمله کبار و کرک مخلوط بولنسون جمله احکامنه داینك استظهاراً تحلیفی لازم کلور. بوجهته بومسئله ده رعایت ایدلمه جك ایسه قانون عمومی به مخالف حرکت ومغایر عدالت اولور. رعایت ایدلمه جك ایسه یمین ویرمك حاکمه عائد حقوقدن اولمیدنی کی یمین ایدلمه جك محل دخی محکمه بولنش اولدیغندن ایشك محکمه به سوقی لازم کلور. یوقسه دفتر خاقانی مأمورلری یمین ویره مزملر. ویرسرلر بیله حکمی اوله ماز.

قانون زمان مزایده یی ایکی دوره به تقسیم ایدوب برنجی دوره ده آز چوق ضامیم قبول ایدلمه جکی کی ایکنجی دوره ده دخی بدل مزایده اولینك لاقل یوزده اوچ نسبتنده ضم قبول ایدیلور. یعنی برنجی مزایده مدتی اولان قرق بش کونده بدل مزایده مثلاً یوز آلتونه ارتقا ایتسه قرق آلتنجی کونده بوکاضم ایتك ایستیان لاقل اوچ آلتونی ضم ایتك لازم کلدیکی کی بوضمی ولی وتعیقب ایدلمه جك ضامیمك دخی لاقل اوچر آلتون اولمقی ایجاب ایدر.

بو ایکنجی دوره مزایده اولان اون بشکون دخی ختام بولورق مجموع مدت مزایده آلتنش کونه بالغ اولنجه آلتشجی کونك تمامی متعاقب دفتر خاقانی مأمورلری طرفندن قطعیا حاله اولنور. بو حاله سببیه عقار مشترینك عهده تصرفنه کچه جکی جهتله بوندن صکره یوزده اوچ یا اون ضم ایدلمه جك اولسه آرتق قبول ایدلمه مز.

ایکینجی حاله سیبیله عقارک قطعاً مشتری عهده سنه کچه چکی بیان ایدلشیدی . بومعنی قانونک « قطعاً حاله اولنور » عباره سندن استنباط ایدلشدر . تأمینات کوستریلان عقار ارض میری یا خود مستغلات وقفیه اولدینی تقدیرده بونک مشتری عهده سنه کچمسندده صاحب ارضک یا متولینک انضمام اذنی لابد اولدیغنه کوره بوا حاله ایله قطعیت تصرف حاصل اولماز دنیلیه من . زیرا دفتر خاقانی مأمورلری صاحب ارض اولدقلری کبی اموال غیر منقوله نك صورت تصرفی حقده کی قانونده مصرح اولدینی اوزره قائم مقام متولی صفتی دخی جائزدرلر .

آنحقی بوراده شایان تأمل بر جهت واردر . شویله که دفتر خاقانی مأمورلری طرفدن آخره فراغ ایدیلجهک اولان اراضی امیریله نك فراغه دیگر بر دفتر خاقانی مأمورینک اذن ورخصت ویرمسی لابد اولدینی کبی مستغلات وقفیه دن بر عقارک بالاجارتین متصرفی اووقفک متولیس اولوبده بومتولی مذکور عقاری آخره فراغ ایدنجه قائم مقام متولی نصب ایدیلهرک بوقائم مقامک رخصت ویرمسی ایجاب ایدر . شو مسأله کوره فراغ مثلاً صاحب ارض بولوبده آنک فراغی اذن مقامنه قائم اولدینی کبی فارغ مرقومک فراغه اذن ویرمسی دخی صحیح دکدر شو حاله کوره حاله قطعیه ایله اول عقار مشتری عهده سنه کچه من بشقه جه فراغ ایدیلهرک بوفراغه بالاده محرر صورتلره اذن ویرمک لازم کلور دیه سؤال وارد اولور . بوسؤالی دهاتوسیع ایدهرک دیرزکه دفتر خاقانی مأمورلرینک برای دین صادقلری اموال غیر منقوله اراضی امیریله وموقوفه دن ایسه بوفراغه دیگر اراضی مأمورینک اذن ویرمسی اقتضا ایدر . و الامشترینک تصرفی صحیح اولماز . دنیلیسه که دفتر خاقانی مأمورلری بوبابده کی فراغه اصل اولیوب مدیونک وکیلدر دیرزکه بوجهت بفرق قانونی حاصل ایده من .

مدت مزایده قانوناً تعیین قلنان آلتش کون امتداد ایتک لابد اولدیغندن بوندن آزمدته حاله ایدلش وحتی عقارک بدلی قیمت حقیقیه سنه بالغ ویا متجاوز بولنش اولسه بیله مدیونک حق استرداد خصوصنده بالاده بیان اولان نظریات حقوقیه تمامیه بومسأله ده دخی جریان ایلر .

مزایده اولنان اموال غیر منقوله یی شخص آخرک اشترا ایلسی جائز اولدینی کبی داینک دخی تفرغ ایلسی صحیح اولوب بونده عقدک ایکی طرفه شخص واحدک تولى ایتسی جائز دکدر قاعده سی جریان ایتز . زیرا فارغ یا مدیون یا خود دفتر خاقانی مأموری اوله جغندن داینک تفرغی صحیح ومشروع اولور . وبروجه مشروح داین تفرغ ایدر ایسه بدل فراغی اله جغیله تقاص ومحسوب اولنور . فقط داین ، وقف اولور ایسه متولی ، وقفه ایراد اولمق اوزره اراضی امیریله یا موقوفه دن بر محلی یا خود اجارتیلو عقاری تفوض وتفرغ ایده من . ایدر ایسه وقفه خیانت ایتش وعزله کسب استحقاق ایتش اولور . شوقدرکه بومقوله اموال غیر منقوله یی مزایده ایدن دفتر خاقانی مأمورلری یا خود لهنده شهادتلری جائز

اولیان اصولی وفروغی وزوجه سی کبی کسانک تفرغ و اشترا ایللری دکدر . زیرا برکیمسه هم بایع همده مشتری اوله میه جنی یعنی شخص واحدک عقدک هم ایجاب همده قبول طرفه تولى ایدمه جسی کبی اصول وفروغی کیلره بیع وفراغه تهمت بولمق جهتیله بوده جائز دکدر . فقط شخص اجنبی اشترا و تفرغ ایتدکن صکره شخص مرقومدن بونلرک اشترا و تفرغ ایللری دیگر اراضی مأموری اذن ویرمک شرطیه جائزدر .

برمالی بیع ایدن طرفک اومالک بدلی تماماً استیفا ایتدکن صکره مشتریسه تسلیم ایتک مجبوریت قانونیه سنده بولدیغندن ماده قانونیه ده بوجهت دخی نظر اعتباره آلتهرق شاید واضع الید بولنان مدیون یا مستأجری تخلیه وتسلیمدن امتناع ایدر ایسه دفتر خاقانی مأمورلری طرفدن صورت بیع وفروغی ذکر وتصریح ایله بالتخلیه مشتریسه تسلیم ایدلمسی لازم کله چکی بیانیله اجرا مأمورینه بر مذکره ارسال ایلر . بومذکره اوزرینه اجرا مأمورلری مذکور عقاری اجرا قانونیه توفیقاً بالتخلیه مشتریسه تسلیم ایدرلر . تخلیه امری احتوا ایدن مذکرده یا متفرعاتنده برکونه یولسزلق واحکام قانونیه یه مخالف جهات بولنور ایسه بونک مسئولیتی اومذکره یی اعطا ایدن دفتر خاقانی مأمورلرینه راجع اولوب اجرا مأمورلرینه بوبابده برکونه مسئولیت ترتب ایتز .

مدیونلرک تماماً یا قسماً ایفای دین ایتدکیرینه یا خود امر مزایده نك خلاف قانون اجرا ایدلمکده بولدیغنه یا خود داینک کندیسنی مدت مداینه دن صکره امهال یا ابرا ایلش ویا صلح اولش اولدیغنه دائر اعتراضات درمیان ایله محکمه یه مراجعت ایتش اولسه وصورت مراجعتدن دفتر خاقانی یا اجرا مأمورلری خبردار ایدلش بولنسه بیله امر مزایده وتخلیه نك تعویق وتأخیری لازم کلیوب بومعاملات آتام واکمال اولنور .

قانونک اوچنچی ماده سنده تأمینات کوستریلمک ایستیلان عقارک مأجوریتی حقده بعض معامله ذکرو بیان ایدلش اولدیغندن بونک خارجنده مأجوریت دعواسی مدیوندن یا خود شخص ثالثدن اقامه ایدلسه بودعوی استماع ایدلر . یعنی بو مثللو مدعیات معامله اجرائیله نك اتمامه مانع تشکیل ایده من . زیرا مذکور اوچنچی ماده ده کی معاملات بوکبی مدعیاتک برطرف ایدلمسی مقصدینه منی اتخاذ اولنشدی .

قانونک مقصدی بویولده محکمه یه مراجعت ایدیلهرک سرد اولنه جق اعتراضاتک حلنه قدر معاملات اجرائیله نك تأخیر ایدیلهمیه جکی بیاندن عبارت اولوب یوقسه محکمه بوقیل مدعیاتی استماع ایده من دیمک دکدر .

بناء علیه محکمه کندیسنه عرض اولنان بومثللو مدعیات واعتراضاتی علی الاصول استماع ایدهرک حکمی اعطا ایده بیلور . وبوحکم دخی علی الاصول اجرا مأمورلری معرفتیه تنقید واجرا اولنور .

نتیجه محاکمه مدعیاتک حقسنزلتی تبیین ایدرسه دعواسی رد اولنور . یعنی رد دعوی قرارى اعطا اولنقله اکتفا اولنور . یوقسه سند مداینه نك تنفیذینه حکم اعطا اولنه ماز . زیرا سند مداینه ذاتاً تنفیذ

ایدلك ماهيتى حائز ايدوكندن بويولده اعطا اولنه حق حكم بر فائدهنى مفيد اوله ماز وبر محكمه فائده سز
حكى اعطا وعيله اشتغال ايدمه مز .
نتيجه محاكمه دين تاديه ايدلمش يا ايدا اولمش اولمق كى مديونك بورجى قالمامش ايدوكى تين ايدمه رك
او يولده اعلام اصدار اولندينى تقديرده دفتر خاقانى اداره لرى معرفتيله واقع اولان بيع وفروخت وتسليم
معامله سنك حكى نه اوله جنى جاى تدقيقدر .

دفتر خاقانى مأمورلرينك معاملات اجرائيه وبيعيله لرى تماميله قانونه موافق اولدينى تقديرده بونك ابطاليله
مبيعك مشتريدن استرداد ايدلمسى قانونه موافق اوله ميه جغه وهشترينك بر كونه قصه وورى اولمدينى حالده
آنى اضرار ايتك جائز اوله ميه جغه كوره بو حالده مديونك حقى دايتهك دفتر خاقانيدن اخذ واستيفايتمش
اولدينى مبالغى ومصارف دلاليه يي دايتهك استرداده صلاحيتى بولنه جنى مطالعه اولنور .

— مابعدى وار —

محكمة تميز رئيس اولى

على صير



اعلان

مدعى عرفى حاجى حسين عوفى افنديك مقدما يكي بقمچه ده دفتر دار احمد جلبى محله سنده مقيم ايكن اليوم
اقامتكاى مجهول اولان اصحاب عقاردن محمد جلال الدين افندى ذمتنده جهت قرضدن اوچيوز اون اوچ
وامريله اموريه صرف ايتمش اولدينى يديوز آتمش غروشكه جمعاً اله جنى اولوب تحصيلي طلب ودعوى
ايتديكي بيك ايتمش آتق غروشدن طولاي غيابة اجرا قلنان محكمه مبلع مدعاها دن آلتوز اون اوچ
غروشك عندالاعتراض مبرز سنده مدعينك محكمه يه ابراز ايتديكى دفترده كى امضا ويازي ومهر ك انكارى
حقنده مجله نك ۱۶۱۰ نجى ماده سنه توفيقاً استسكتاب ايله تطبيقات اجراسنه ودرتيوز اون غروشك دخى
كذلك عندالاعتراض انكار وقوعنده ذيل اصولك ۱۸ نجى ماده سنه نوبتاً ويمندن نكولنه تعليقاً ومبدأ
دعوايه مصادف ۷ ايلول سنه ۳۲۹ تاريخندن اعتباراً ايشليه جك فائضيله ومصارف محاكمه ايله معاً مدعى عليه
مومى اليه محمد جلال الدين افنديك بالتحصيل مدعى به اعطاسنه ۳۰ تشرين ثانى سنه ۳۲۹ تاريخنده غيابة
صماتيه صلح محكمه سنجه قرار ويريله رك تفهيم اولندينى معلوم اولمق اوزره اعلان اولنور .

انقرده مقيم ايكن اليوم اقامتكاى مجهول طويخانه عامره سابق قول اغالردن امثال الدين افنديك
خزينه اوقافه اولان ديون محكوم سندن طولاي عهدت تصرفتده بولنان بوغازايچنده بيوكدره محله وجاده سنده
كائن صدرعلى كتنخدا كاتجى خليل افندى وقفندن ايكوز قرق التى وايكوز قرق سسكز نومرولرله مرقم
سكسان سسكز ذراع عرصه ده مبنى تحتانى وفوقانى التى او طه ايكى صوفه اوچ خلا وبر طولابه لى قيوبي شتمل
يكديكره مقلوب بر باب خانه سى تحت حجزه التمش اولايغندن تاريخ اعلاندن اعتباراً اون بش كون صكره
بالمزايدة فروخته تشبث اولنه جفندن طالب اولنلرك ودهسا زياده معلومات المق ايستيانلرك دائره مذ كوره به
مراجعت ايللرى اعلان اولنور .

متوفى مينا ورته سى بولنان لوقه ومتوفى قصاب خرستونك مخدومى ديمتري وزاخاريه وپترونك مدعى بوركى
واسيل ذمتنده اله جقلى اولان التمش بش عدد ليراي عثمانيك تأمين استيفاسى ضمنتده بك اوغلى بدايت
محكمه سى ايكنجى حقوق دائره سى قرارى ومقاولات محرركى معرفتيله ۹ اغستوس سنه ۳۲۷ تاريخنده تحت
حجزه ديرلمش اولان مدعى واسيلك بك اوغلنده قمر خاتون محله سنه قارناووله سوقاغنده كائن طقسان درت

نومرولی فرونک یوز یکر می سهم اعتباریله متصرف اولدینی الی سهمنه حاجز بولسان مرقومونک تاریخ مذکورده وضع ایلدکلری حجزک فنکینه دائر محکمہ مذکورده صادر اولوب حاجز بولسان ورثہ مذکورده دن لوقہ و دیمتریہ تبلیغات بالایفا دیکرلری پترو و زاخاریہ نک اقامتکاهلری مجهول اولمقدنشانی تبلیغات لازمه سی اعلاناً ایفا قلنان ۲۲ حزیران سنہ ۳۲۹ تاریخ و درت یوز او توز درت عددلی اعلام غیابی حکمنک تنفیذ و اجراسی متعجز و اسیل طرفدن با استدعا طلب ایدلمش و حاجزلردن پترو و زاخاریہ نک اقامتکاهلری مجهول بولنش اولمغله اجرا قانوننک یکر می طقوزنجی ماده سی حکمنه توفیقاً طقسان برکون مدتله تنظیم قلنان ایکی قطعہ اخبارنامه مرقومانه تبلیغ ایدلمش عد اولنق و مدت مذکورہ ظرفده اثبات وجود ایلدکلری تقدیرده حکم اعلامک اجراسندن امتناع ایلش عد اولنہرق حکم اعلامک اجرا قلنہ جنی معلوم اولق اوزره ایکی نسخہ اخبارنامه دائرہ اجرا دیوانخانہ سنہ تعلیق قلندینی کی اوراق حوادثله دخی اعلان کیفیت اولنور .

[illegible]

۵۳۹۲	۳۲۹	۱	کانون اول
۵۳۹۴	»	۱۵	»
۵۳۹۶	»	۱۶	»

محکمہ نمینہ ہیئت عمومی مقرانی — (۱) مدعی علیہک دینہ قارشی تسلیات ادعاسی { ۱۸ ایلول ۳۲۹ ۵۳۹۶

محکمہ نمین حقوق دارہ سی مقرانی — (۱) قونطوراتو ظہرندہ کی مشروحانک صغار
حقدہ درجہ تأثیری ۳۰ ، ، ۵۳۹۸

(۲) قرینه نك فقدانی حالده محكمه نك استماع
و قبول ایله یكی شهادت حقنده
۵۴۰۰ ۳۲۹ ل ۵ تشرینال

(۲) تصرفه دائرہ ایک قید آرہ سندھ کی تحالف
حقوقہ

(۴) استیناف استدعاسنک شرائط قانونیه بی
جامع اولمدیغه دائر سرد اولنه جق مدعیات
مدافعات ابتدایه دندر

(۵) مدعا به اشارت ایتدیرلمیه رك واقع اولان
شهادت حقیقده

صمیمه
نومروسی

- محکمه تمیز جزا دأره سی مقرراتی — (۱) نقض واقع اعلام سابق هیئت عمومیه سنه
شامل ایکن یا لکز بر قسمته حصر ایدلسی
موجب نقضدر
۵۴۰۵ ۳۲۹ تشرین ثانی
- (۲) اسباب مخففه
۵۴۰۷ ۳۲۹ کانون اول
- (۳) ازاله بکرده طرفین عقد لرینک اجراسنه
طالب اولدینی حالده عقدک وقوعنه تعلیقاً
محاکمه نك تأخیری ایجاب ایدر
۵۴۰۸ ۲۲
- (۴) مجرمیت قرارنده مختصراً بحث اولنان معاینه
راپورینک اعلام وضبطنامه نك تحقیقات
قسمته درج اولنماسی موجب نقضدر
۵۴۰۹
- (۵) حد اصغر جزانک برکونا سبب مشددارائه
اولنمسزین حد اعظمی به قدر تجاوز
ایتدیرلمش اولدی مستلزم نقضدر
۵۴۱۰

- محکمه تمیز استعدا دأره سی مقرراتی — (۱) میری اورماندن بلارخصت قطعیات حقنده
۵۴۱۱ ۳۲۹ کانون ثانی
- (۲) ایکی قات رسم استحصالی یولنده اقامه اولنان
دعاوینک مراجع تدقیق حقوق محکمه سی در
۵۴۱۳ ۲۷
- (۳) مرور زمان
۵۴۱۴ ۳۲۹ تشرین ثانی
- (۴) متهمک درجه سنی و اوصاف و اشکال نك تبیینی
۵۴۱۶ ۱۷
- انجمنی عدلیه مقرراتی — (۱) نقصان اولان هیئت اتهامیه نك اکالی
۵۴۱۷ ۳۲۹ کانون اول
- (۲) حریق محلنک تسویه سی سر رشته سیله شهر
اماتی زیدک عرصه سنی عمروه ویره بیلامک
صلاحیتی حائر دکلدن
۵۴۱۸ ۲۴

محکمه تمیز حقوق دأره سیبه تدقیقاتی نتیجه پذیر اولاده دعاوی اعلام نك لسته سی
۵۴۱۹

قسم غیر رسمی

- مقالات
۵۴۲۰ ۱۰۰۰
- اموال غیر منقول نك دین مقابلنده تأمینات ارا سنه دأره قانونیه موقت حقنده
۵۴۲۱
- فرانسه دوری اصولی
۵۴۲۴ بدیک افندی نك